



90591

詒安堂二高集

汀州伊念曾題

序

嘗覽姚聽巖松風餘韻姜孺山松江詩鈔自二俊高嘯雲
間自是才人接踵滬瀆吐納大海其地奧以衍其人英以
杰徐文定尤負經濟才徧通天文兵機屯田鹽筴水利當
世未竟其用以算學農政諸書傳不屑與詩人功名爭麟
閣也文定不以詩鳴然讀其題陶士行運甓圖歌慷慨激
昂直抒胸臆一時能詩者未能過之豈非有本之學不爲
繁響耶王菽畦觀察蓋慕文定之爲人者也智無不周藝
無不習與義內溢嘉采外昭五茸三泖之間久推壇坫屬
建海運之議以才濟成其策中丞上其勞

天子酬其庸誠詩人之榮遇也夫里巷豎儒吮毫拈鬚如
詒安堂二集

序

蟲吟草間跳躍自喜烏覩所謂鯤鵬之變化哉菽畦詩無
體不工劉忠節詩喬將軍歌表彰毅烈淋漓悲壯動人心
魄大雪飲酒放歌從軍行豪氣勃勃雄心雄萬夫今天下需
才亟矣一旦握風后之奇唱蘭陵之樂驅山壓卵沃海澆
螢下王濬之樓船截長江之鐵鎖擊楫中流銑歌朱鷺豈
非大丈夫之報國哉在心爲志發言爲詩願鷹揚其體鳳
歎虎視宏此遠謨也

咸豐五年十一月長至日金陵愚弟朱緒曾述之頓首謹

序

詒安堂二集卷一

和筮集上

上海王慶勳叔彞著

庚子炎夏突駭海氛隨處戒嚴幾於弋盈路迨壬寅
秋後始獲鳩安愧無敵愾之才頗有談兵之興因彙三
年中詩爲和筮集

省園卽事

怪石森如墜渾忘琢削成風猶帶寒色鳥已換春聲簾護
花容秀池涵樹影清最憐新草嬾窺牖碧盈盈

贈雷約軒茂才卽題其詩稿後三疊雲字韻

盤空硬語欲凌雲此事於今合讓君書法直追黃魯直秀
才須學范希文羽觴狂許飛金谷班管高宜紀錦裾省識
詒安堂二集 卷一

珊瑚詩格好瓊思瑤想總超羣

花朝省園卽事

剪刀風銳利吹面不禁寒芍藥根初長棕櫚葉尙團靜知
花氣媚閒覺鳥聲歡簾外天初霽晴光滿畫欄

青蓮菴

芳草碧如昨亭臺影已空

地爲顧氏
露香園址

寺藏修竹裏僧老磬

聲中流水肥涵綠飛花瘦減紅書音雜梵唱聽慣是鄰翁

古香草堂

結屋江干住松風裏一廬到門無俗客入饌有春蔬夢境
閒成蝶詩心靜似魚何須訪山水眞樂足琴書

陡驚浩劫海濱開誰是屠龍大將才空借韜鈴誇胆畧徒
傳號令肅風雷高牙不鎮橫流急畫角遙攬暮雨哀此錯
直應同鐵鑄無端偏惹剝膚災

鷲粟濃堆滿地花可憐流毒徧家家燈痕碧欲分燐火烟
酸紅還賽晚霞恍似樓臺噓厲氣驀教兵甲幻蟲沙蓋臣
縱有回天力爭奈盈廷議論譁

寶劍空思熱血磨憂懷莫解杞人何安能兵法如充國可
有威名抵伏波妖霧終難遮日月天心豈願敵干戈機宜
總爲因循誤枉累蒼生歷劫多

信傳風鶴太倉皇新鬼都登古戰場訛語每驚軍失利虛
聲豈果賊難當轉嫌遲蓄三年艾何異孤懸七日糧慚愧
論安堂二集 卷一 二

書生奢濶甚幾時露布氣飛揚

再書感

遙天屯戰氣頻駭羽書馳心膂徵平日膚功貴及時旄頭

應落早盾鼻恨磨遲莫笑譚兵事狂同杜牧之

唐杜樊川
著有卓言

乃憤河北兵
事而作也

寄鍾子良都中

消息偏長耿花開不忍看知心惟筆墨作客累飢寒鄉夢
隨雲杳愁腸納酒寬妬他明月狡偏對我團圓

落拓眞名士襟懷自不羣媚人無俗骨罵鬼有奇文才婉

三都賦心懸九烈君憑將詩寄我銀葉手親熏

漢東方朔
有罵鬼書

銀葉香

名也

呈淞漁師

不媿扶輪手聲名一大家鎔金化頑鐵刪葉見孤花牙慧
憑人拾心香許我誇敢期衣鉢授學海正無涯

吳淞道中

畢竟春恩重羣芳倏賜緋潮聲天外壯草色雨中肥碧柳
鎖官渡綠波侵客衣櫓聲驚宿鷺結隊向人飛

晚過大盈浦

迢迢大盈浦流自澗湖分遠水籠斜照遙山隔暮雲江鄉
足蝦菜村落蔭榆枌知是青溪近鐘聲隱隱聞

和聽翁寓中卽景

一片癡雲凍不開節過穀雨未聞雷東風無力春難轉悄

詒安堂二集

卷一

三

絕牆陰綠萼梅

苦雨

厭聽淋漓雨困人情緒紛苔痕青滷壁樹影綠搗雲遠客
杳如夢孤燈類似醺閉門無箇事誰與細論文

謂季平

題顧偉人丈聞香室詩後

性靈詩自好風雅踵亭林絲竹中年感江湖獨夜心梅花
消夢影香草寫愁音不盡春來水情堪較淺深

同約軒游善應禪林贈斗山上人

地僻人稀至林深磬出遲綠雲滋竹色紅雨膩松脂禪悟
三生後機忘一局時

上人善奕

相將煎茗讀遍遠公詩

同約軒訪張嘯峯朱蓮生不值

挈伴尋幽客新詩兩袖攜到門惟鶴守迂客祇鶯啼春水
靜平岸野花閒滿堤且將惆悵意向壁間題

題明陳忠烈死難後其子再疏請恩墨蹟冊

有序

忠烈諱淮號小質崑山人諸生嘉靖甲寅倭寇圍
城請授甲扞賊發弩連斃六人城中人人自奮號
爲陳先鋒寇引去城得完明年又禦倭於靈巖山
之白馬澗孤軍無援力戰而歿後三十餘年嗣子
應期舉於鄉伏闕再疏詔旌其門立忠烈祠於本
邑孝廉再疏墨蹟暨雜著十餘首今其同宗春山
藏之裝池爲冊囑題

人生忠孝心惟盡子臣職凜凜陳先鋒正氣天地塞下帷
詒安堂二集 卷一 四
肯讀書上馬能殺賊殺賊爲賊殺面不改其色事閱四十
年久將付沉抑有子名孝廉兩疏血和墨錫類感朝廷特
降君王敕大書而特書靈巖山之側父忠子復孝後世足
矜式永垂青史名視此貞珉勒

感興

故山猿鶴漫疑猜鎮日蓬門任嬾開抱膝敢言今日樂嘔
心還替古人哀可憐名士終成累好在庸奴不愛才忍把
眼前佳景負提壺簾外正相催

贈楊肖英卽題其近稿後

一燈如豆醉顏陀懷抱難禁感慨何莫怪詩篇蕭瑟甚墨
花酸帶淚痕多

題顧節母葉太安人鼓瑟樓詩存後

矢冰雪心識節孝字上奉哀始下教哲嗣廿載茹荼千鈞
攸寄譜入哀音是墨是淚

和聽翁感興

讀書或幸本前緣忍薄家傳一片瓊杜甫胸中原有屋張
融岸上只牽船癡人說夢誠堪笑豎子成名亦可憐相對
不禁慚傀儡登場何事苦留連

同陳述山田槐堂趙子蔭泛泖

一雨新霽春可憐泖湖風景何暄妍况逢今日是寒食禁
煙不禁晴湖煙萬頃涼波浸天地四圍山影涵清漣牽盡
詩懷柳線密密脆於歌管鶯聲連曲港遙通花市外棠梨紅
論安堂二集 卷一 五

潮音閣小憩

蘭橈艤晴湖幽討恣遐矚湖光擁夕陽塔影臥波綠天遠
帆如飛烟溼山似沐想像閣中人

楊鐵崖嘗居於此

當年寄高躅

鐵笛不可聞剩有雙鵬浴

重遊細林山

九峯半頽放此地差堪遊重來叩仙蹟不盡桓伊愁

謂曹杏垞

大山靈如識我笑態迎雙眸亭臺豁高下蒼翠森松根流

泉淨可愛煮茗清詩喉苔蘚繡石壁水氣蒸危樓我欲跨

雲去點筆青山頭仙人倘見恕奇跡應容求定持天酒至
索我詩相酬

舟晚

亂峯蒼欲暮乍泊看山船高樹窺新月遠村滃夕烟星光
浸湖底帆影落橋邊岸脚燈微閃鄰舟客未眠

寓中夜坐

別有靜中趣燈花冷愈鮮市聲息殘夜月影淡遙天却酒
翻嫌醉貪書未忍眠達懷能遇幾何處悟真詮

神仙樂

珠玉爲裳金作屋瑤草琪花滿山谷貝闕層層護碧雲琳
宮處處圍奇木聞道西池桃正開紅羅書爲看花裁綵旄

詒安堂二集

卷一

六

引得鑿輿降翠水群邀鳳輦來火棗交梨盈兩袖紛斟玉
笋齊稱壽五靈石有凌華敲鸞笙龍笛參差奏天厨一滴
亦瓊漿塗壁青泥總異香杵臼倘能容易得何人不願學
裴航

從軍行

男兒七尺好身手忍隨草木須臾朽破爛免圍冊一編秀
才都被儒冠負挂我劍兮張我弓揮手河梁別親友短衣
匹馬風蕭蕭氣蓋旗亭一尊酒定遠長平豈異人待攫黃
金印如斗縱教血漬戰場紅馬革裹尸良不醜平生意氣
干雲霄此行定斬樓蘭首回念寒窗執卷人可憐癡把青

燈守

遊山

宛似穿珠蟻奇峯曲曲分翠迷雙屐路涼護一肩雲梵響
穿林出樵歌隔隔聞山靈應笑我也解暫殷勤

題韋人丈村居

別作桃源界居然物外天詩憑風月賽夢祇水雲牽雞黍
留賓好鱸蓴入饌鮮幽人清福永負郭有良田

歸舟卽景

風織輕波縹浪圓晴空帆影欲粘天橋痕淺暈三篙水山
色濃拖一抹烟岸草碧開盤馬路野花紅上釣魚船倚篷
靜展來禽帖恰好鶯聲雜柳邊

暮春

論安堂二集

卷一

七

香國春深蝶夢驕更誰分此可憐宵愁隨萬種情根起福
仗三生慧業消大塊文章將擱筆小樓風雨但吹簫裁箋
欲倩雙魚寄爭奈吳頭一水遙

輿中卽景

麥秋天氣潤四野綠陰繁曲逕蟠林腹疎籬衛樹根耕牛
知讓路髡柳不藏村小憇逢田父桑麻試討論

廿允之席上贈張東墅茂才

修府

一笑相逢夜不眠拚教吸盡酒如泉煙花殢夢剛三月風
雨論交已十年雅興豈輸長慶集壯懷憑着祖生鞭書城
探盡瑯嬛秘

尊齋號小瑯嬛

清福誰還敵茂先

允之以庚子薦卷出示感賦

不料神山遠仍教鍛羽翰蒙紗憑目眯獻璞祇心酸歲月
催人易文章造命難牡丹空畫得翻惹帶愁看

古漪園觀魚歌

幾叢芳草池塘邊池中之水清且漣大小游魚不知數其
樂未許人傳宣偶攜餅餌擲水面揚鬚鼓鬣爭趨前大者
盈尺小盈寸聲聲撥刺波紋連中有赤魚忽躍出亦隨魴
鮪流饒涎爾何不效橫海之巨鱗頭顱如嶽膏成淵又何
不效瀛洲之神鮪吐風噴霧興雲烟而乃踟躕佳此地潛
藏不用年復年吁嗟乎江水非深海非濶乘雷何日升青
天龍門未必無爾緣

舟次

詒安堂二集

卷一

八

日照烏篷暖初開笠澤船桃花雙漿水楊柳一溪烟春氣
濃蒸樹波光遠浴天林塘風景靜野店出橋邊

和曹杏庭茂才見贈元韻

酒國才無敵詩壇舊有名文章隨劍老肝胆向誰傾花淡
琴邊夢春閒物外情最憐離別易愁聽子規聲

柬甘勿之卽次見贈韻

落日金閭路去年夏季在
金閭分缺經年獨爾思傾懷憑仗酒觀面
輒談詩心事三春切以送春
詩出示功名一枕遲豪情誰許及憶

煞鄭當時

寄傅星槎春墅兩茂才所居地
名六竈

討盡書中味窮年對短檠夜寒森海氣秋近壯潮聲客少

明常杜心閒境自清聯牀風雨夕想見弟兄情

萬竈涼雲靜閒懷托嘯歌客心黃葉碎詩夢碧山多波浪

消銀漢時星槎有悼亡之感風烟長玉柯移情琴一曲好約刺舟過

詠劍和聽翁

千將誰向匣中藏忍令沉埋久歛鋸一片壯心磨夜雨十

年豪氣冷秋霜惜無雷煥知神物可有朱雲請尙方肯作

飛龍輕化去滿腔熱血總難忘

和聽翁大境詩

載酒來消夏此間無送迎花容藏野樹雲氣溼江城月隱

如窺客鳥多不識名篔簹排萬个延綠到簾旌

幽居漫興和薇洲韻

論安堂二集 卷一 九

掃除四壁盡滄洲位置軒窗事事幽春盎盎時花盡放雨

蕭蕭裏筍齊抽閒吟淺醉輸君樂泛宅浮家讓我游余將有青

溪之役分付柴門休閉上客來無過是羊求

和聽翁感賦

早知色相兩空空人世徒勞嘆轉蓬斷碣懶尋蝌蚪字微

名終屬馬牛風難求敝帚千金值仗有靈犀一點通不愧

劉蕢笑風漢可知措大本冬烘

閒居

門掩中江濱客羨閒居好芭蕉團綠陰老樹迎涼早一雨

放晴光開到忘憂草簾外映新苔屐滑不容掃啼鳥繼相

催似將吟債討作詩不厭多日積牀頭稿抱此入夢中冀

備前人考

夏日漫興

最宜小築枕江濱水面微風縹細鱗
乍得雨逾清快樂已開花似退閒身
讀書未滿五千卷知已無過三兩人
靜住綠天憑晝永眼前何處着紅塵

讀趙璞菴光祿奴隸集

請纓原未計封侯快馬輕刀自壯遊
才調果能傾七子身名端不負千秋生
來豪氣詩難掩死到沙場福已修
我欲招魂親酌酒夜風塵似戰貔貅

先生有身名兩負千秋事句

和聽翁舟夜

海上未生月舟行杳靄中
水沉星影碧燈逗市心紅
樹欲

詠安堂二集

卷一

十

隨雲隱山疑截路窮迢迢鄉夢遠憑寄一帆風

漫興和聽翁韻

誰識三生杜牧之遺愁題徧草堂詩
憑人慣說豬肝累作賦羞邀狗監知
滿地煙花春似夢中年哀樂髯如絲
鑑湖風月聞清絕穩臥滄江羨釣師

關忠節公輓詩

公名天培字滋圃江蘇常州人由宗明鎮總兵官
廣東水師提督逐賊出海沒於軍中事聞賜諡

忠節

將星一夜隕韓城百戰孤忠出至誠
遺恨未能生縛賊殘軀遑計死留名
犯來滄海波濤險懸得丹心日月明
大節

何曾慚壯繆三千年後繼家聲

訪墨井道人墓同聽翁作

道人姓名厯字漁山常熟人工三絕琴川錢陸燾謂其品似雲林陳璠評其畫謂石田後身云云今墓在南門外

埋骨青山不計年
蘼蕪涼鎖墓門烟
蘋蘩合配倪元鎮
翰墨同珍沈石田
風送詩魂歸海外
月扶客夢落雲邊
我來偏切松楸感
還與殷勤薦菊泉

和恪庭感懷

迷離春夢杳難尋
徒惹牢騷感不禁
門外烟雲憑過眼
書中歲月慣勞心
醫愁在蓄三年艾
寫怨空彈一曲琴
莫顧

詒安堂二集

卷一

七

旁觀笑風漢新詩且與滌煩襟

劉玉蒼茂才新賦悼亡繪蘭香春影圖以寄意爲題

截句唁之

回首春風事事非
梨雲千疊擁瑤扉
水晶簾外天如夢
只有紅襟燕子飛

清明上河圖

圖爲仇十洲摹張擇端本聽翁屬題因步其韻

天波門外屯強敵
萬歲山前馳戰檄
禾黍油油認故宮
迷離夢向圖中覓
青山四面排晴空
上河水與黃河通
百丈長虹繞河屋
萬家烟火鬧朦朧
高門日日妙歌舞
金谷平泉何足數
匝地笙簫動玉京
烘天錦繡張朱戶
帝城雙闕雲中開
仙山樓閣金銀臺
昭功敷慶神蓮石
紫芝曾向峯

頭栽艮嶽嘉名錫宸墨君王但自耽聲色誰料蒙塵去不
還蓬壺轉瞬成荆棘鳳輦龍舟一旦休烽烟飛入絳霄樓
桃花化盡美人血杜宇啼殘望帝愁蘼蕪綠到帝姬宅不
盡愁涵天水碧一幅生綃什襲藏居然價抵連城璧人海
流傳八百年滄桑閱盡等雲烟何時轉入西平宅圖爲李姓所藏
感慨偏多筆墨緣筆墨難回金碧冷江山半壁空留影可
憐博得詠詩人寫到冬青墳上景

喬將軍歌

將軍諱一琦明萬曆三十一年武科死於松山之戰國朝賜諡忠烈

睢陽齒齟雲指自古忠臣不怕死侍中血常山舌要與前
人爭大節將軍義勇自天生杜松劉綖原齊名滴水崖前
標健筆誠堪品副鎮星精公備兵滴水崖時大書于石曰鎮星之精氣節文章

詒安堂二集

卷一

十一

長不滅將軍肝胆皆冰雪戰骨埋沙鍊就忠寶刀浴血催
成烈不負平生自命真千秋從此作完人公嘗云大丈夫要當爲國出死
力安計前鋒豈獨誇忠勇僕盛勇善門亦死之馬亦捐軀景後塵公
所乘馬亦墮崖死吁嗟乎矢志何分官大小公於大義原了了一

樣拳旗斬將材風流儒雅如公少慕公忠烈讀公文果然
不愧人倫表余家藏有公郵寄祭弟文手蹟

錢鱸香新賦悼亡繪落花圖以寄哀爰題一絕

蝴蝶雙雙趁落英丹青傳出斷腸聲畫師能把春留住不
比東風不世情

秋夜懷子良茂才都下

今夜涼如此孤燈照獨吟拓弓頻歲夢磨劍十年心愁緒

渾無賴秋聲不可尋青琴彈徧處何日遇知音

寄子良京師

鳳泊鸞飄客裏身京華踏遍軟紅塵應教畫餅憐名士可
許班荆慰故人筆墨難絨無限恨鶯花孤負幾番春須知
此日青衫淚不爲琵琶亦愴神

客中和聽翁韻

未息輪蹄又問津頻年踪迹等勞薪東風綠遍天涯草不
爲征人減却春

春陰曲

春風酸欲透詩骨春色還疑隨雨歇梅花零落杏初開
勒住清香未許發

蘇東坡詩花
間置清香

壓檻濃雲溼不飛輕烟弄暝

詒安堂二集

卷一

三

掩扉屏綠窗人靜爐香細玉燕一雙比翼歸海棠脚如
窺醉蓮漏聲低不驚睡春態應輸屋裏人眉痕早溜三分
翠

張東墅茂才以夏日園居屬和用杜工部游何將軍

山林十首韻

無事遣長日園林樂不支濃陰圍匝地新水漫平池生意
靜中會禪心淡極知牙籤排萬卷幾見手停披

石榴明照眼早起爲看花小小亭儲鶴盤盤徑似蛇松棚

紅日淡草閣綠雲賒寄傲南窗下居然處士家

長廊綠磻築畫檻面湖開烟靄迷芳草晴陰驗熟梅客還
拖屣至童解抱琴來晨氣蒸衣潤牆根滿綠苔

池塘新雨後花徑暗流泉荷葉柔擎蓋楊枝暖脫綿樓臺
都入畫風月不論錢身在瑯嬛境何須羨朝川東聖家園名小琅環
何處堪消暑池蘋貼水香槐陰團卓午竹影護新涼吹蛤
沙中聚鳴蟬葉底藏夕陽橫屋角照見暮山蒼

笙歌連別院燈火入深池良會忘賓主醉吟欲幕羅坐花
侵蝶夢單燭惜蛾兒酒盡興無盡客歸明月隨

挈伴尋遊侶

時同甘允之
昆仲走訪

車停谷口雲江湖仍溷我林壑

漫移文知已偶然集好題時見分

時以消夏
詩屬和

書樓閒極目

心地滌喧紛

鴛水聯吟詩課

伍子胥簫

詒安堂二集

卷一

十四

大讐未報心悽惻白盡鬢鬚誰更識一枝嶰竹出昭關飢
來且乞吳中食吁嗟乎破楚門高願竟酬當年落魄感英
流餘音嫋嫋猶含怨吹到梧宮落葉秋

高漸離筑

士爲知已用生死何足數荆卿一去易水寒六國頓教無
寸土知音不作徒悲歌筑中之鉛如太阿一擊縱難中帝
座應令祖龍胆已破

彌正平鼓

漢庭臣不皆聳蹟坐聽賊污清白界書生討賊心難償但
痛罵之意亦快裸體猶嫌辱彼輕普天悲憤鼓能釋三搗
豈止攄奸魂愧煞座中同聽客

戴安道琴

王門伶人胡可爲徽幸功名非所慕破琴拚取逢王怒逢
王怒招隱詩同子猷賦剡溪風月無猜妒肯辱朱絃媚當
路

劉越石笳

晉陽城外圍獵虎困守城中徒起舞破敵無計可若何且
喜關山月乍吐胡笳之音哀復哀頓使征人懷故土不待
援師亦解圍何須殺賊方爲武君不見雞聲不惡笳聲惡
一曲涼州驚風鶴

桓子野笛

老蛟竊聽清猿嘯柯亭遺製何微妙王郎江左舊聞名爲

詒安堂二集

卷一

十五

踞胡牀作三調青溪之水溜且清竹聲攙入湯湯聲六孔
吹開梅落盡何人五月過江城

陳子昂胡琴

開唐二代文者誰子昂著作海內推當其未遇孰賞識聲
名乃借胡琴得胡琴不惜碎市中從此羣真冀北空鈞譽
莫嫌心太巧用權原弗諱英雄

王摩詰琵琶

摩詰清流客名節當珍惜誰料梯榮公主家鬱輪袍曲彈
琵琶此情敢謂莫須有此事應同謗書否君不見少陵表
放翁記後人自有平心議

題胡孝女傳

孝女胡氏在室時以刀刺心願代父死遇救得生
于歸朱氏適姑病復割股療之

欲代父死甘刺心為療姑病願割股蛾眉前後兩奇絕純
孝性成世罕覩涇溪之水淘千春鍾靈乃在閨中人成仁
取義敢惜死孝女孝婦兼一身但懼親恩或孤負安識髮
膚為我有君不見古今偉節傳綱常女子偏多稱不朽

讀史

人事無非在目前紛紛變幻總由天如何名士惟揮塵倘
有文臣不愛錢樂毅功傾城七十孟嘗門養客三千治安
曾上長沙策敢薄書生尙少年

漁陽鼙鼓陡然驚漫比溝池偶弄兵烽火連天竟南渡軍

詒安堂二集

卷一

十六

書旁午恰西征將軍銳志黃龍飲丞相甘心白馬盟徒羨
封侯班定遠直從絕域立功名

同顧偉人雷研農兩丈游古倪園

為愛名園好支筇冒雨經波添三尺水樓納數峯青樹色
濃如滴禽聲脆可聽詩人溯摩詰往事剩碑銘

壁間多揚
甫先生詩

遊小琅環園即東東墅

泉石蕭森養素心任將清福占園林半簾花氣蒸紅雨一
縷茶烟冒綠陰山色濃包樓閣影鳥聲歡作管絃音著書
此地真無負何止幽閒趣可尋

過秦氏小山堂別墅

消得林泉福風流賀季真亭環三面水松駐六朝春得句

鶴能和忘機鷗自親俗塵飛不到邁軸羨幽人

讀思和曹杏庭見贈韻

海昌數才子繡虎舊知名夙願三生慰高談四座傾雄心
磨壯歲佳句鑄閒情墨妙有家學爭聽雛鳳鳴

憶清涼山舊遊

山翠如螺積秋心淡夕暉樹頭孤寺倚天末大江圍雲氣
滄松磴烟光涼葛衣行吟愜清賞入夢尙依依

贈日者吳守愚

磨蝎身宮豈自由風帆畢竟幾時收生原不作封侯想敢
冀功名似馬周

推余造尙
可得第

寄杏庭

詒安堂二集

卷一

七

酒龍詩虎果誰儔心擾離思頓變秋三月烟花温舊夢半
江雲樹餉新愁山無夙分難閒訪天遣才人慣浪遊不盡
生平知已感幾時纔免賦登樓

題錢鱸香遙山一角樓圖

鱸翁讀書西
湖時所作

山樓高與白雲齊窗外嵐光綠過堤大好秋來新雨後夕
陽紅徧斷橋西
終朝只在翠微間讀盡奇書享盡閒收取西湖作詩料從
來名士配名山

武昌舟中題徐子仁楚北遊草

清思纏綿玉屑霏筆端吐盡好芳菲出山雲本踪無定獵
酒人傳客已歸聞道雁經衡浦少懸知魚到武昌肥孤舟

我向他鄉去詩興蓬窗亦欲飛

東允之

杜門鮮人事展卷趣無窮詩味酸醜外禪心寂寞中文章
徵定識閱歷愈卑躬俯仰乾坤裏深知四大空

胥口舟次

烟水茫茫接具區蓼花深處戲輕鳧十分秋色千重樹一
枕寒山萬頃湖野外香風團橘柚天邊雲氣滃菰蒲市聲
漸近紅橋曲多少人家在畫圖

秋夜懷子良

銀河渺渺淡無極秋氣茫茫露欲滴蘭釭斜射漾簾波愁
緒篩成縷縷多故人一去無消息今宵幽思如雲積何苦
論安堂二集 卷一 六
天涯作遠遊青山閒却讀書樓讀書樓上月光足更有雁
聲啼斷續負手渾忘清影寒三更猶是倚闌干遙知迢遞
關山客恐觸鄉心不忍看

寄吳小謝

漫譜黃河遠上詞姓名已有路人知桃花易入劉郎夢柳
絮爭誇謝女詩惆悵光陰消薄醉寂寥滋味惜芳時斯人
不合滄江臥江左風騷仗爾持

鴛水聯吟再詩課

野塘

叢樹纏枯蔓沙灘出漲淤露涼晨放鴨燈閃夜叉魚挽絳
無宮舫鳴流有瓦渠掩蘆深處屋知聚釣人居

野廟

欹缺叢竿影荒祠半縹蕪敗廊森鬼卒俚曲斷村巫臥犬
偃暄慣飢鴉得食無道人貧不了比戶送靈符

野園

小築饒幽趣居然物外天雙扉藏樹隙一徑達村前亭借
桑林翠池通稻隴泉園丁收果利消受自年年

野航

恰受人三兩春寒喚渡稀搖將耕具去載得積薪歸短棹
擘紋便荒江覓食微往來晨復夕長逐水鳧飛

澎湖漁唱

一奩明鏡淺涵星破曉追涼出柳汀聞道胥山眉樣好梳

詒安堂二集

卷一

九

頭待過落帆亭

徑裏薔薇分外紅滿城春色醉東風恐郎誤聽楊花唱不
敢搖船入市中

何妨艇子小於瓜篷底居然聚一家愛向穆湖灣裏泊紅
蓮開徧並頭花

湖名何事號鴛鴦泛宅浮家愛此鄉雨後溪流分港瀉水
長爭及妾情長

通草蝴蝶歌

母飢不飢誰尸養通脫之草生叢叢五色春駒集庭際香
鬢粉翅翔春風延陵姊妹同心巧春痕剪出麻姑爪新樣
傳觀出至情高堂菽水資溫飽誰知仙蝶引仙魂膝下斜

陽慘不温奉母安能及泉路甘將紅粉了空門空門同勵
堅貞志一幅壞裙一幅淚至今孝女溯禾中父老猶能傳
影事吁嗟乎不是蒼蒼格孝心何來粉蝶戲花陰羨魚孟
筍吳通草千載奇踪共足欽莫因玩物輕相視蟲蟲草草
輝形史靈光菴卽魯靈光兩樹女貞香不死

梅屋祭詩圖爲姚譜萃茂才

以煌題

九樹梅花裏茅屋

譜萃齋前種有九梅

卽此消得詩仙福今夕何夕

歲將除酒脯還宜勞卷軸當筵不惜再拜勤吾媚吾詩豈
慮辱况更雅抱冰雪心肺腑年年託篇牘聊將醉飽酬精
神燭蕊文光耀雙目屋邊疎影屋中人一樣閒情結幽獨
媿我拈毫學苦吟牛腰卷未澆杯醪應惹梅魂笑不禁好
詒安堂二集卷一
三

詩無怪逃君腹

題焦仲梅蝸廬覓隱圖

山色如螺黛焦仙舊草堂夢消人海濶心沁曉鐘涼雲氣
侵衣溼潮聲阻石狂臥游成大隱遐想結蒼茫

又題淮陰語別圖用卷中陳雲伯大令韻

征衣吹上海東雲一曲驪歌酒易醺漂母祠前萬楊柳折
腰還似婉留君

題陳托岩深柳讀書圖

好學如歐公猶嫌書少讀可知書境中未易窮涯谷門外
春風來碧柳環書屋韶光逝水過肯負清閒福終歲事埋
頭非敢希榮祿厲此汲古心聊免譏白腹東家探春去西

家拾翠忙惟有閉門客終日勤丹黃權比百城重功藉三
餘長但欲探書味何暇尋韶光楊柳大解意不惜青眼償

贈厲白華

志

名擅甬東秀琴邀海上聽愁催雙鬢白夢繞故山青月助
吟懷苦酒攪戰氣腥杜陵詩入蜀筆陣走雷霆

挽孫杏樓

吳興孫君

記得春時詠落紅匆匆昨夢竟成空枉憐趙壹鬚眉異莫

挽虞翻骨相窮身世但償文字劫功名徒慨馬牛風他時

來泛三槎水多少傷心夕照中

聞陸平泉明經李蘭生司賦先後同逝

和青梅岑丈咏懷

一孤軍聲震鸛鵝詩懷到處總悲歌文章祇覺迂無補懷

詒安堂二集

卷一

五

慨從知誤亦多熱血空憐澆酒殘蒼天何苦啟干戈功名
原許標銅柱誰是當年馬伏波

日赤港

兩岸蘆花一葉舟閒情畢竟讓沙鷗帆檣歷歷雲邊影烟
水茫茫事外愁估客平分湖海夢寒潮淘盡古今秋斜橋
橋東去村前路雙漿如飛過渡頭

同郭厚齋由肇家洪至法華卽目

蒼茫秋色裏柔櫓兩三聲北郭忽斜照西風開晚晴路紆
隨岸轉村近見人耕臥聽漁舟唱烟波劇有情

家聽翁曹杏庭各以菊花詩見示亦成一律

黃花稠疊壓闌干還把秋容寫筆端品格不因霜見傲性

情豈解世增寒淡交畢竟能持久晚節從來最耐看莫但
學他陶令醉風前轉惹客心酸

去秋同子慎觴
菊今已亡矣

賀甘峻岩移居

移居仍傍古三槎畧過前溪路不賒臨水門如揚子宅藏
書人指鄰侯家庭前舊種忘憂草階下新栽稱意花替我
畫眉留一室西窗先爲拓紅紗

題仲博山詩稿

健筆容誰敵蒼頭起異軍名堪時輩壓才與古人分慧業
修成月奇情鬱作雲曾叨皇甫序偏媿未能文

雪意同聽翁作

朔風吹不住雪意滿江頭搖尾犬先喜聚糧禽早謀誰遮

詒安堂二集

卷一

五

寒士屋漫刺故人舟

時適小瀛見過

正好開新釀相期大白浮

大雪同聽翁梅翁子研季平飲酒放歌

雪花如掌翔虛空茫茫銀海迷西東袖手寒齋不出戶前
溪仄徑聞難通鳥聲寂寂人語靜塵氛盡掃如晶宮此身
恍在太古上詩心攬入冰壺中朔風切骨裘亦冷虛堂暖
借紅爐烘圍蔬正美家釀熟五人情興殊豪雄畫蕉妙技
歎摩詰聚星險韻愁坡公卯君談笑霏玉屑舉杯一吸如
長虹梅花未放春未轉春光聊借醅顏紅凍雲不散如有
待猶防中澤來噉鴻

未收稻恐爲雪壓傷

不持寸鐵誇白戰休將玉

戲吟天公揮毫捷比蔡州入兜鍪裹絮成奇功

冬夜書感并寄子良

苦吟聊自慰殷勤撥盡寒灰到夜分薄俗難回崇有論深
心誰解送窮文詩名冷落青油幕書價飄零白練裙剩灑
樽前知已淚雁聲酸入萬重雲

時以子慎
詩寄子良

雪後野望

青天低曠野落葉捲西風晴裊烟痕白寒顏塔影紅斷雲
遲遠岸斜日淡疎蓬屐響時來往遙知畧約通

舟次又雪

玉戲何時罷紛紛滯客程天空風有力雪重水無聲樹似

披裘立舟疑擁絮行庾郎寒菜美早約酒人迎

謂東
聖

金闈題焦仲梅移居圖

伯通橋下屋三間未必他鄉缺好山眷屬艷稱梅福隱江

詒安堂二集

卷一

三

湖難遣杜陵閒夢沉淮海家千里秋在吳門水一灣我亦
金闈亭畔客思將妙繪乞荆關

計芥舟以秋興詩索和次韻奉酬

十萬窺猊荷戟行四郊刁斗夜深鳴晴開粵海旌旗影潮
捲錢塘鼓角聲防守新增河上戍折衝厚集隄西兵丈人
占得師中吉留取空同一劍橫

檢子慎遺書有感

重疊蠻箋錦字多故人剩墨冷秋羅空留泉石淒涼在總

爲家山感慨歌去日蹉跎愧嵇阮舊游零落痛羊何最難
忘是談詩地不忍重攜斗酒過

近聞仍用芥舟韻

近聞閩浙路難行愁聽關山畫角鳴玉壘雲浮秋有影鐵
衣寒重夜無聲雕青惡少爭持戟曳白鰕生敢論兵萬里
長城誰不媿熱懷空付寶刀橫

舟中卽事仍用前韻

飛符火急戴星行竹柝還攙鐵甲鳴靖海樓船排勁旅伏
波旗鼓奪先聲請纓人唱從軍樂挾纊恩深赴敵兵保障
豈輸功萬里橈檣掃盡玉繩橫

靜坐感懷

撥灰餘鼎篆俄影向書檠月色涼於水潮聲夜入城田園
空隱計湖海淡豪情何處笳音動將軍細柳營

讀彭甘亭先生詩

詒安堂二集

卷一

十四

仗劍樓煩快壯遊雁門關外大名留葛涼裙帔誰青眼蓬
轉江湖易白頭蓋世才偏艱一第平生業早定千秋妒他
摘艷熏香筆金粉全將六代收

讀陳雲伯明府詩集

分明小謫碧城仙海內爭傳錦字箋宦未除才子氣性
情能結美人綠髻綵禪榻忘官樣山色湖光養大年見說
雞林懸價購弓衣應繡遍蠻烟

猛虎行

猛虎來林中未出先號風麋鹿食已盡枵腹將人充落日
在林木行客早投宿其視本耽耽其欲尤逐逐豹變未可
知履尾已嫌遲談者先色駭誰敢將其髭吁嗟此猛虎居

然入城府世勣周孝侯任爾雄且武

辛丑除夕

沿街爆竹逼三更轉眼春風又滿城
守歲難容追往日隔鄰愁聽索逋聲
十年詩句工何益一樹梅花瘦有情
清福修來原不易今宵誰約酒同傾

詒安堂二集

卷一

五

對卷思下思入上皆漸變高同爾

非悉部案版數十平獨會工可益一樹梅花瘦有情

清福修來原不易今宵誰約酒同傾

辛丑除夕

然入城府世勣周孝侯任爾雄且武

和笱集下

上海王慶勳叔彝著

雜詠

窗前梅已花寒香繞滿屋岨強由性成不礙冰霜肅縱有
勁風來可折不可服塵外訂知心合是陶家菊

幽蘭生九畹花只三兩枝孤芳有眞品豈屑尋常知空山
任風兩國香天護持品題到佳士會有賞音時

傲骨不能改豪氣安得無收斂在學問詩書豈欺吾獨持
堅白志肯作庸庸徒平生竊有托雕蟲羞壯夫醉中寓眞
趣隨處酒可沽

封船行

詒安堂二集

卷二

一

兵符火急官軍來大船小船紛避開官家畫舫後河泊水
邊胥吏空徘徊野航忽自異鄉至突被恫喝聲如雷客商
瑟縮不敢語紛紛行李江邊堆甘讓公徒擊檝去途中舟
子尤堪哀稍不如意肆筵楚行程急於星火催頻年征調
困徭役坐令商旅先遭災君不見鳩形鵠面人無數半是
拋船乞食回

和葉桐君丈

珪

舟次感懷詩

攜樽來上木蘭舫豈爲垂綸學釣鰲詩思忽隨春水闊壯
心還逐陣雲高年年踪迹輪鷗侶草草功名似馬曹更有
何人求駿骨空羣徒憶九方臯

江流不盡去滔滔買醉惟傾玉色醪莫漫文章譏扎闔且

憑忠信涉波濤九霄老鶴摩空健一路哀鴻入耳嗷閩海
烽烟連越海公徒日夜選囂囂

莫待亡羊始補牢同人誰是肯先號熱腸容許酬孤劍勝
概偏爭挫一毫天地蒼涼忙擊楫江湖浩蕩漫回篙如何
事事多成懶偏看青山不厭勞

壬寅八日同蘇子研桂馥秋皇甫二愚沈蔚珊小飲

難得酒星聚况逢人日晴烟光散林木淑氣溢春城

是日迎喜

神新筍園中劇早梅窗外橫草堂詩好寄未免起鄉情

子研

將回

題曹杏庭詩鈔卽送歸里

夜雨滴鄉心孤燈照獨吟看雲饒別夢和淚寫哀音

杏翁於子

詒安堂二集

卷二

二

慎之亡耿耿不忘詩酒陶真味江湖豁遠襟送君歸故里我欲刺

舟尋

杏庭安現杭州余於二月擬作武林之遊

柬子研

不辭風雪上蘭橈孤嶼春光望眼賒昨夜分明湖上路夢

魂先我看梅花

泗涇舟次

遠樹蒼茫合荒村倚一亭水光和月白山色過橋青客夢
頻驚斷漁燈欲亂星小留堪永夕轉覺勝揚舲

葉桐君丈留宿自怡園卽席賦呈

占得清閒福憑誰識素心宦情化泉石春色秘園林酒任
通宵飲詩還冒雨尋香山如許住添我作知音

龍華春望

萬木圍孤寺鶯聲飛出牆池萍浮鴨綠岸柳裊鵝黃短
仍通徑疎籬不隔香春風真得意酒旆也飛揚

寄峻岩昆仲

筆牀茶竈儘勾留想見村居事幽暝樹漸沉山外寺晴
波倒印水邊樓如生眉爪悲長吉

謂令兄彝齋

繼起功名屬子

由要看池塘春草句幾時閒放木蘭舟

青溪道中

萬株楊柳一江烟剛是閒吟冷醉天春色轉嫌無賴甚野
花紅出女牆邊

寄子良京師

詒安堂二集

卷二

三

離思不容測休論江淺深春風欺病骨夜雨逼鄉心兵氣
橫千里家書勝萬金料應桑梓夢夜夜戀孤衾

槎溪道中

鼓鞦聲裏且移居敢說浮家樂有餘醉看乾坤翻覺狹不
知何地可樵漁

五月初七日同二愚子研文夢飲酒作

麗譙月落角聲催滿目烽烟一舉杯眼底難禁桑海感軍
中容有范韓才黑雲都望從天降白帝兵初動地來且學
君苗焚筆硯飄零書劍漫增哀

五月初八日書事

炮火如雷震吳淞戰壘開聞聲天欲裂臨陣胆先摧勝負

誠難測安危未易猜紛紛官吏散蒿目亦堪哀
心力三年瘁忠貞一念成將軍能殉節小吏竟捐生未展
平生志空留後世名靈旗飄忽處餘憤咽潮聲
雞犬聲都息人民室盡空光天馳鬼蜮浩劫走沙蟲橫海
妖氛熾連江毒霧籠此生何不幸親眼見興戎
風鶴無邊警城狐大可嗟倉皇攜眷屬焚掠遍官衙竄命
輕于草逃兵亂似麻桃源何處是吾欲問漁家

珠家閣題壁

火艦如飛至烽驚柳口烟流雜來異地患難已經年地險
兵難守民安宰已賢

時邑令爲王
爾史先生

東南憂不細韜畧幾人

全

詒安堂二集

卷二

四

梁溪寓中呈孫雲翁

一片鄉愁細雨中全家來作寄居蟲夢魂尙繞干戈慘詩
筆難描道路窮門外山仍無恙碧城頭烽欲偏人紅故園
景象知何似怕共挑燈訴苦衷

梁溪坐雨

一夜傾盆雨潮聲擁上樓心雄三尺劍夢冷五湖秋踪迹
憑詩紀光陰與酒謀仲宣徒慷慨身世只依劉

錫山同泉孫典三兩弟夜話

聚散徧難定依棲總未安陣雲環海壘

時聞江陰
亦有夷船

山月逼

衣寒不盡江湖感聊追骨肉歡挑燈頻話舊無暇勸加餐
故土蒼茫外全家逆旅中艱難謀菽水奔走避兵戎海月

傷心碧將軍戰血紅莫言愁許遣草草一尊同

同孫雲翁許星湖遊惠山重九後一日且靜天

旅館無聊百憂作破愁且踐故人約梵宇琳宮恣意遊江

上青山良不惡百尺松陰夾路迎濤聲清雜流泉聲樓臺

金碧樹蒼翠山水之樂真移情瓶笙活火茶香沸試啜茗

泉辨真味那須兩腋誇風生已覺頓消塵土氣我亦江湖

淡蕩人獨於泉石有前因匆匆一醉蘭陵酒忘却天涯患

難身難身

一移寓蘇州

書卷牛腰重扁舟燕尾輕異鄉仍作客今雨劇多情謂金

健齋朱雪約齋身已浮家慣門因近水清故園知不遠緩緩計

詒安堂二集 卷二

五

歸程

丁許村

一簇村前樹蟬聲冷入秋夢隨烽燧澗心急稻梁謀濁酒

難成醉悲歌不解愁藏身匪易事消息總堪憂

五月十四日作

驚聞海上將星傾遺愛難禁哭失聲一木豈能支大厦三

年空想倚長城釀成糜餉勞師罪留得千秋萬世名誰謂

誤人惟轉念是非早有汝南評

十五日作

烽火茫茫徹九霄山嶽舊壘火重燒功隳一旦惟天鑿廟

食千秋要福消市井人荒煩野戍鼓鞳聲急扼江潮不材

自媿空投筆但把鄉愁入夜撩

膠城道中

櫓聲搖夢過吳頭何止生涯媿白鷗回首怕思行路慘歸人轉爲近家愁連江桴鼓添新戍此地雲烟觸舊游不是

輕涼篷底送已忘明日扁初秋

時立秋前一日

海上感懷

城市蕭條乍息兵流離歷盡苦編氓沙蟲化後空增感風鶴吹來尚有聲猶剩青山埋戰骨非關丹史覲留名

謂陳忠愍

公可憐小小滄桑劫痛定還教夢屢驚

五卷庚

效靈

壯懷空令咽寒濤且幸全家劫外逃遍地雨絲都是泣滿城秋色爲誰勞參軍自愛工蠻語名士端能讀楚騷博得

詒安堂二集

卷二

六

邇來詩筆健不知可敵呂虔刀

和聽翁登龍華寺藏經閣之作

申江東去水浮空多少帆檣路未通

沙船爲夷船攔在崇明

妖霧直

遮瓜步黑

時鎮江告警

火輪遙割海門紅救時自媿無長策逃

劫同憐似斷蓬莫道仲宣多感慨壯心消盡梵音中

陳忠愍公化辰輓詩

大海蒼茫劫火侵忽驚午夜將星沉生能士卒同甘苦死與波濤鎮古今不負豹皮留世語眞償馬革裹屍心陣雲

徧處團如墨都是忠魂結憤深

守備韋印福等同時陣亡公爲李忠毅公門下士

邑尉楊慶恩輓詩

斗大城誰守羞隨敗北奔十年沉末吏一死答君恩心

苦頭顱賤官卑氣節尊狂濤酸捲淚悽絕與招魂

謝秋柳

并序

秋來一壬寅之秋歸自梁溪適家聽翁瞿春甫各以秋柳詩見示嘆風景之淒涼慨市廛之蕭索傷今悼昔對秋柳情見乎辭因亦和成四律非敢謂追踪漁洋聊誌

然無盡一時之感云爾

濃陰無復鎖江城冷落章臺萬種情往日鞭絲曾繫馬何時柑酒再聽鶯拋殘瀟岸橋邊影吹老陽關笛裏聲畢竟封侯人有幾不堪回首亞夫營

飄飄悽絕舊圍亭可奈西風未肯停但有柔條零露白更無媚眼向人青蛾眉消息誰容訪馬首光陰我慣經爲問

詒安堂二集

卷二

七

永豐坊近事一般憔悴夕陽汀

十圍徒自鬱森森回首金城淚不禁身世每增秋士感別離憑繫玉關心烟消陌上愁空箱春去人間信易沉儘許新詞翻舊譜和他衰柳咽寒林

難避霜花賽絮飛蕭騷頓訝景全非三眠失態猶臨水九烈無靈孰染衣紅減酒旗痕尙閃黑盤鴉陣影還圍攀條漫把從前憶但祝東風早早歸

玩月

飛來一庭月渾如滿地水浮雲風掃盡花影扶不起亭臺皓無聲如現明鏡裏嫦娥尙可招且把絲桐理

重有感

驀地思歸棹移家又入城倉皇添野戍團練到鄉兵隨處
增憂患何時厭戰爭風波徒蹈險媿與白鷗盟

劍是周防器隨身掛各逢功名憐浩劫肝胆情孤忠野樹
淒含碧山花慘不紅捷書勞望眼好奏 未央宮

喜晤張東墅卽和其韻

意外相逢處流離媿此身可憐多難日同作異鄉人薄酒
和愁嚙雄懷借夢伸依然事奔走揮淚向風塵

烽火橫滄海扁舟去又來幸容逃劫運何暇鍊詩才劍氣
隨秋老萍踪付雁哀西風攢似箭愁陣射難開

慷慨談經濟相期枉自深白頭千古恨謂陳蓮峯軍門青簡百年
心胆向干戈習功難草野尋何時一樽酒重醉故園林

詒安堂二集

卷二

八

秋懷和葛恪庭韻

依舊潮聲下海門歸帆安穩卸江濱蟲沙猶悸春前夢蟹
稻都歸劫後塵新戍卒來收戰骨老元戎去作完人高歌
自訝音悲壯笳鼓天南耳熟頻

輓郭氏三妹

梨棗難忘少小情無端噩夢了今生白頭父母青年婿忍
聽牙牙索乳聲

寄甘允之

閱歷徒增感艱難境不同浮沉笑鷗鷺得失付雞蟲心老
空山裏身孤大海東虞翻精易理可許卜窮通

秋江寂寞暮雲寒折戟沉沙淚未乾報國何分官大小惜
身轉諉事艱難紅衣襖急春申浦白馬潮寒上將壇聞道
朝廷方側席果誰真恥說偷安

寄季平弟松江

愁緒紛難數思親兩地同偏勞湖海夢慣感馬牛風家室
經三徙音書未一通天涯芳草路都已變途窮

過寒山

嵐翠涼如滴螺盤石髮粗山深雲在抱徑仄樹相扶寺影
攔峯立溪聲繞屐趁當年仙眷屬羨煞趙凡夫

寄趙二川子蔭

戈甲叢中話一宵秋風又上木蘭橈飄零親串隨雲散打
詒安堂二集 卷二 九

疊鄉愁仗酒消子夜詞成心切切申江水濶夢迢迢故園
景况知何似憑寄離懷早晚潮

寓中呈友竹舅氏

客况無聊擾夢思遣懷還共細談詩奇書儘許人間讀大
隱何曾世上知琴劍飄零空感慨米鹽瑣屑費支持莫言
投筆真容易畢竟班生可屬誰

聞鎮江失守

事當倉猝處始信將才難豈是兵無用偏都胆欲寒罪言
人孰解戰血草同乾敢謂安危計今真少范韓

贈劉再蘆武進士

園標

無端滄海迫烽烟此日生還亦可憐拔戟當來兵一隊傷

心嘗盡胆三年

君隨陳忠愍公守吳淞口已三年矣

干戈劫運非關命史冊

功名自有權儒將風流真不愧弓衣憑繡好詩篇

能書善詩

金雞河曉發

喔喔雞初唱舟行杳靄間曉烟猶滃樹遠水欲沉山殘夢
催黃鳥歸心寄白鷗凌晨風色峭晴日媚雲鬟

舟暮

稻花香不斷落日過前溪火向隣船乞烟將去路迷寒雲
天外亘新月柳梢低釣艇誰初泊燈光與樹齊

前門塘舟夜

前路斜陽墜張帆趁晚風月明江郭外秋老水雲中茅屋
團烟白荒村截樹紅沿河魚網密燈火徧西東

詒安堂二集

卷二

十

七月初九日玉峯道中

酸風苦雨逼難休一片笳聲入早秋烽火又傳沿路警

夷船又入長江

干戈還剩故鄉愁可憐經世無三策每到題詩集

百憂嘆息勞人眞草草誅茅何日得牟求

答薇洲弟青浦寄懷卽用其韻

別離消息又秋風半付光陰道路中算到去留難自主此
身并不及孤鴻

兩地空招感慨多尺書迢遞阻關河挑燈欲照還鄉夢爭

奈蟲聲忒苦何

答子研吳中感賦

愁思如雲鬱不開雄心空付短簫哀專諸門巷要離冢懶

慨曾經酌酒來

和季平感懷韻

漫將牢落付長吟儘有閒緣許畧尋客裏偏多山水興連
侍家大人應遊燈前無限弟兄心關河迢遞勞舟楫天地
靈巖石湖之勝

蒼茫自古今莫倚秋風增感觸牙琴倘許遇知音

客夜

落葉敲窗響滿樓客中容易過三秋青燈如豆雲如墨釀
出離人萬種愁

三平贈許芥舟

泐

布衣

令

文

且

公

照

兩

心

老眼燭令古壯懷澄水雲功名不求合筆硯底須焚愁祇
宜澆酒窮偏恥賣文梅花標格好惟爾許平分

論安堂二集

卷二

十一

崑山喜晤季平弟

客路忽相見匆匆亦解愁漫吟芳草句難忘故園秋湖海
三年夢乾坤一葉舟玉峯今夜月分照兩沙鷗

寄薇洲弟青浦

逃得干戈劫何辭地屢遷烽烟驚故土山水結新緣詩夢
沈鷗外鄉愁落雁邊其憐風雨夕空憶對牀眠

侍家大人遊獅子林

爲愛倪高士園林屐屢經匠心眞入妙畫手本通靈片石
爭千仞羣峯拱一亭尋幽陪杖履捫遍薜蘿青

虎邱喜遇海上諸親友

故人半是故鄉來一笑相逢說法臺濁酒不辭今日醉離

懷轉向異方開風塵味已經年慣笳鼓聲猶入夢哀此地
繁華何用戀諸君誰是掇時才

同潘壽堂我山昆仲徐稷香張綺石吳秋山陶緝堂
俊甫昆仲及季平弟遊木瀆遂初園潛園端園卽

事

強尋歡笑且飛觴一路看山入醉鄉此地樓臺仍綺麗故
園烽火正淒涼壁苔似夢誰題句籬菊無愁自放香倘許

詩魂招竟返還應化鶴老梅芳

李觀察別墅
梅樹極繁

何處堪消夏白蓮花一灣湖光分入市樹影倒疑山船泊
野風裏樽開香霧間清涼仙世界彌覺此身閒

詒安堂二集 卷二

三

范文正公祠

憂樂誰堪並如公未易求將才高一代相業更千秋白水
心期遠青山手澤留祠田繁子姓風義鬱松楸

法螺菴

流泉幽澗落石氣帶雲飛茅屋攔青嶂藍輿裏翠微鳥聲
喧益婉山骨削難肥偶約閒僧話禪心正觸機

支硎

逕接萬峯頂蟬鳴初地涼雨添林木潤晴放草花香遮徑
雲垂幄懸崖樹架梁支公遺跡在還與弔滄桑

雨夜泊婁門

霖雨何時洗甲兵半肩行李渡江城好山懶向愁中看險

韻都從枕上成萬種閒懷豁酒味一腔秋氣咽笳聲挑燈
聽慣瀟瀟響偏傷蘆花感易生

侍 家大人遊中白雲贈紀公上人

探奇行盡石千盤分得伊蒲飯一餐心曠總嫌塵世窄山
高偏覺水雲寒參來慧業談何易修到閒僧福已難香火
因緣應未淺不妨初地借承歡

韓蘄王墓

松風塵似戰酣初依舊豐碑傍佛廬半壁江山愁臥虎十
年功業付騎驢英雄詞翰偏能習王有臨江
仙二闕巾幗朝廷媿
勿如忍向岳王墳下過不堪埋恨共歎歎

寓齋與鍾子英丈夜話

詒安堂二集

卷二

十三

空庭寂寂夜遲遲語到西窗月上時筆似青山憑傲兀身
非紅豆慣相思名高易惹庸流忌智短難將薄累辭猶幸
者番差未俗囊中添得客游詩

虎邱酒樓同子英丈季平泉孫兩弟夜飲

夕陽收盡爨烟浮海湧峰前樹色幽燭影艷招花外夢月
光涼入酒邊秋難容客思銷千棧空惹豪情蓋一樓畫舫
憑伊來往密笙歌雖妙不醫愁

淺墩舟次

山影拖船尾秋聲鬱樹根烟波涼入畫桑柘密成村埃看
新添戍橋量舊漲痕溪頭人買酒林外闌柴門

酒後與聽翁論史事

雄懷且借酒杯澆史事評來氣倍豪助餉幾時逢卜式犒
師何意得弦高誰言大帥多良策定使將軍佩寶刀彈指
四千年裏事可憐兵火半難消

東葉桐君丈

十年冷署憶清游飽領垂虹一片秋文不南豐輕出手詩
于東野肯低頭著書堅閉溪邊戶訪客頻移雪後舟嘗過
菴盤心事足功名無夢到封侯

茸城同楊肖英雷約軒寓齋小飲

仲宣遮莫慷慨登樓但得相逢便訴愁血性過人非仗酒胸
懷無恨不知秋詩情渺渺催黃葉世事茫茫感白鷗袖裏
各探新得句未妨吟到燭低頭

詒安堂二集

卷二

四

郡中晤瞿春甫

無意相逢一笑迎半年消得幾離情碑尋刦後叢殘字夢
悖江頭鼓角聲山水翻因烽火識文章還比羽毛輕何時
一吐如虹氣倒挽銀河洗甲兵

翁子橋舟夜

月冷沿檣下鄉愁入夜增波心旋似馬峯頂禿于僧帆側
貼秋水星垂攙遠燈朔風吹獵獵機被欲生稜

同樊綺江表兄金閨夜語

一城砧杵動鄉思客裏逢秋醉不辭道廣恐爲陳實累名
高倚藉李膺知清攀明月稱知己羞對梅花誦舊詩各湖
十年前內事青燈如豆漏遲遲

東山淨雲卷

梵響岩腰出禪關樹隙開寒烟蒸谷口雨氣胷林隈水欲
浮山去雲還入寺來湖光青可吸憑酌酒千杯

風雨橫澗

浮玉峯前路明湖碧有情雲攔飛鳥影風護打魚聲月小
藏村樹花香闌客程推蓬探暮景宛在鏡中行

望亭卽目于蓮島中

出沒嵐光裏憑窗輿轉濃萬株水楊柳一路木芙蓉天向
平林立雲將遠寺封泊舟尋酒肆初月已銜峯

惠山同綺江飲第二泉

不須活火竹爐烹已覺風從兩腋生豈是此間泉獨好在

詒安堂二集

卷二

十五

山總比出山清

題河東君像

虞山風月寂如何彈指滄桑劫又過一樣傷心家國事也
應差勝顧橫波

柬趙二川子蔭昆仲

書劍飄零強自支那禁紅豆寄相思難逢阮籍開青眼不
媿陽休詠白眉窮達豈關名世學生平曾有幾人知遙憐
風雨池塘路定有聯牀一卷詩

題張孟翁立松

畫松

虬枝屈曲龍鱗密滿紙濤聲飛欲出誰人植此義皇前結
胎乃是先生筆先生姓張名立松喬松看遍徂來峯氣象

森森性烈烈槎枒古榦撐盈胸揮毫一掃二千尺隱隱霜
皮溜寒碧根固還應匝地輪枝高直欲穿雲脊寂寞空山
春復秋年年冰雪那須憂藤蘿枯盡不知數依舊濃陰結
翠稠五大夫魂驅入墨想見先生神腕力歲寒心寫十指
間生氣頓驚天地塞我爲題詩意轉哀名流誰解惜奇材
畫師也是眞梁棟偏靳雲臺寫照來

孟翁抱負甚高惜不
遇于時憤志而歿

蕓城詩課

前當讀陸宣公奏議

不負臯夔自待身賈長沙外更無倫敦時宰相心原苦流

涕文章筆有神直道難容甘避禍忠言肯聽已蒙塵

謂唐
德宗

幸奉天事若從異代論知已應許東坡第一人

論安堂二集

卷二

七

西施歎

五湖烟水秋茫茫吳宮花草歸窮荒鴟夷一舸破烟去蘇
臺寂寞吳宮涼吳宮涼人責妾妾也回頭思響屧響屧廊
前當日春風流雲散逐香塵逐香塵妾如故捧心自悔離
鄉土等閒莫笑效顰人此身不及東村女

畫明妃怨

黃沙捲地百草枯胡笳嗚咽霜殺蘆月寒關塞望不及長
安不見長嗟吁長嗟吁妾命薄妾命可憐妾沙漠回首昭
陽殿裏人春風又見一番新懷春風望金闕妾也何心怨
畫玉寸心皎皎胡天月

森森曹娥碑

婆娑舞婆娑舞婆娑江上萼萼鼓鼓聲歇曹娥泣父兮不
存娥命絕投身入水水不流抱父屍出名千秋名千秋邯
鄲筆邯鄲有筆娥有心揭取娥心懸皎日

綠珠樓

人已非樓安在綠珠苟偷生季倫枉寵愛樓安在人己非
季倫雖慘死綠珠終相依明珠一斛無足奇美人節烈今
古稀今古稀肝腸裂縱以珠名猶不屑

仿顏延之五君詠

陳正字子昂

伯玉風雅宗文章邁流俗感悔猶少年修飾厲高躅積習
掃齊梁雋旨刪繁縟市上碎胡琴何異窮途哭

詒安堂二集

卷二

十七

張曲江九齡

九齡稱骨鯁品超姚宋間相業自無媿風度誰能攀元音
鳴盛世金鏡消神姦果聽公戮賊禍豈有祿山

李供奉白

學士抱仙骨豈同苦吟身但向市中醉早識行間人才非

蠡可測氣比龍難馴浣花雖並舉其奈公絕塵

韋左司應物

左司清絕才豈居王孟下官秩任沉淪辭旨彌高雅香從
燕寢凝春向虎邱寫循吏卽詩人更有白司馬

柳柳州宗元

子厚卓犖姿騷壇振旗鼓奇禍困一時雄才自古憤借

游記抒誠許神明伍天欲壽其文竟忘厄之苦

要取送秋森不辨為然日只同光照字大收長重故可效

彈指光陰過九秋詩懷蕭瑟減前不雁聲酸帶冷雲去蟹

爪瘦扶纖月流尚有淹遲連夕雨斷應收拾一番愁傷離

最苦惟蘆荻江上相思竟白頭以入散人雷轉煥觀士

韓碑次李義山韻

雄文誰秉天人姿奧義直許窺包義昌黎實推大手筆碑

銘首數平淮夷元濟昔承累世惡聲罪豈止投有罷裴度

奉詔討逆賊桓桓諸將憑指揮有唐社稷賴以振微度孰

更危而持奏凱固由策群力其材不過誇塞旗運籌決勝

自推度愈原帷幄身親隨歸來秉筆承帝命紀勛誰復慚

詒安堂二集 卷二

如貌信事直書無隱義參諸史冊曾無訾上誌廟謨頌神

武踔厲不媿稱鴻辭下述相度戡亂績亦豈有意取媚為

碑高三丈光萬丈誠哉一代文章司卽此垂世堪不朽饋

貧何止占朶頤當時縱有著作輩誰能與會同淋漓况復

訓詞尤爾雅黠綴不外書與詩斯功足稱斯鉅製無怪動

色盈龍墀紛紛文字多刳運不可磨滅惟此碑典貴直並

鼎彝重非徒呵護恃蚪螭詎料巧入婦人譖輒敢罔上行

其私奇文一朝遽掩蔽大儒突受奸讒治謬命文昌竟重

撰粉飾藉快宵人脾颯顏深笑段氏劣自忘鄙陋偏不辭

要知愈文終不泯依然日月同光熙字大如斗重刻石殷

勤正有人摹追按一統志汝寧府城外裴晉公廟中有平淮西碑宋知州陳珣磨去段文仍刻韓碑

斯碑倘許我親拓天涯何敢辭胼胝定知筆力健於弩直
穿七札如由基

冬晴 次陸放翁韻

晨曦漏疎牖檐凍初消時梅花淡于雪乍放兩三枝風力
漸不勁綠意融深池遠山如睡起作態將眉舒烘顏若卯
飲對景忘冰嬉會當訪吟友負暄曾相期

烘花

不須管領備東風萬紫千紅頃刻中預許春光支歲暮巧
將人力奪天工燕姬炕煖催姿艷香國城堅仗火攻說與
仙家殷七七鶴林休便詡神功

炙硯

詒安堂二集

卷二

五

石卿冷面喜回和免悵題箋管屢呵火候敢誇文熟脫熟
懷聊借墨消磨冬烘未必頭銜劣春氣居然手筆多却笑
君苗焚不已晴窗活潑一池波

醉司命日同諸兄弟家宴

又向家門過歲寒黃羊祀罷薦辛盤乍離烽火魂猶悸爲
念存亡鼻早酸 謂郭氏三妹 匹馬關山曾閱歷閒鴻身世亦艱

難敢期清福修能到媿把梅花帶醉看

除夕前二日

紀游詩句滿奚囊按月編排未厭忙嘆息客星來照命今
年題筆半他鄉

詒安堂二集卷三

葦杭集上

上海王慶勳叔彞著

癸卯秋賦瑁璫依然落拓青衫徒呼負負甲辰歲作西
冷之遊冷醉閒吟自謂于山水間前緣頗厚遂以葦杭
顏吾集云

癸卯元旦

晴雲輝曙色鼎鼎歲華新酒剩年前味梅開却外春柴門
耽寂寞殘夢怯風塵幸擁書千卷平生自有真

寄季平

匆匆小別讀書堂又見春風茁女桑莫怪貪言泉石味最
難消是熱心腸

詒安堂二集

卷三

一

偏有狂名在酒樓雄封直壓醉鄉侯才華畢竟宜收斂海
外還聞有九州

題子研秋懷詩後

不盡歸與興都成勞者歌潮聲千騎疾旅夢一樓多且買
金樽醉休傷鐵硯磨青山遊子淚無計奈伊何

書齊梅麓先生詩後

歸裝幸辦買山錢此願償來已十年捧檄原知毛義苦辭
官早識范喬賢酒場慷慨無餘子文字殷勤有夙緣不獨
傳名詩卷富海天留得筆如椽

焦山聯額半
係先生所書

和聽翁送別

三篙新水欲平橋一曲驪歌暗柳條自古天涯游子恨不

來南浦亦魂消

讀書偶感

豪傑原無種屠沽未可輕骨悲燕趙客氣塞魯諸生名易文章著功難口舌爭試看天下事都坐享時平

題聽翁壬寅詩草後

鄉愁言不盡倚醉且高歌事怕燈前憶秋疑夢裏過字憑心血鑄筆有劍光摩詩史真無媿才華豈厭多

題陳托巖丈詩後

英雄退步任縱橫方朔誰知屬歲星高節寫成千个綠善竹苦吟熬盡一燈青杜陵詩本關家國白傅才原出性靈

廿載申江橋畔路牙琴又遇子期聽丈已久不作詩近遇張春水姚野橋諸君

詒安堂二集 卷三

頌多 倡和

題雷研農丈紅葢館

種徧忘憂草詩人寄意深辛勤韓子屋儉約敬姜心彈鋏誰知已牽蘿有賞音酒懷真慷慨還與刺舟尋

上巳日有感同蘇子研沈蕙珊作

又是羣賢畢至辰無才真媿百年身風流雲散誰名士古往今來幾醉人妙語細參齊物論高文直壓永和春桃花開遍城西路攜酒何時更問津

送黃霽青丈歸魏塘兼寄張鹿仙孝廉

綠波暖貼春江淨帆挂東風力偏勁屈指剛逢三月三歸家正值團圓慶息耕堂上詩人多辯才無礙比懸河著書

不數名山業浮白爭誇金管羅萬里游踪接交趾循聲遠
披羊城市瀕雲海氣蒸蒼茫盡入玉溪錦囊裏遊倦歸來
設講堂陰陰桃李藹門牆一燈相續誰稱最只有一星天
上張張郎才調驚凡目不愧薪傳自山谷爲語吟詩莫太
奇須防飛夢來窺讀

夢花橋舟次同季平弟話舊

輕風搖曳蹙微波明月隨人一棹過壯志飛騰慚軾轍故

交零落感羊何

謂胡鬻堂阮曉江
兩丈先後繼逝

無才濟世聊藏拙有筆

盤空且放歌漫道醉鄉天地濶劉伶雖好已成魔

弟豪於
飲故戒

詒安堂二集

卷三

三

得慰瞻韓願休嫌御李遲牧民古循吏講學老經師練達
多更事和平不感時汪洋黃叔度窺測孰能之

一官成一集老輩劇風流廉石充歸橐春雲擁選樓壇宜

執牛耳字尙作蠅頭

先生猶能
書小楷

酒綠燈紅地頻叨侍宴游

葉桐君丈出示無題詩因次原韻

碧城曲曲掩梨雲何止香毫紀錦裾往事難拋蘇學士多
情豈諱杜司勳春迷綠野花千樹心醉紅橋月二分海樣
才華閒寄托艷思還比麝蘭薰

紅橋舟中卽景

芳樹叢叢合春光簇眼前潮爭橋路狹船護柳陰圓雲劃
天邊雨村攔草際烟篷窗無箇事兄弟對牀眠

和聽翁感懷韻

同訝萍蹤類泛鷗，壯懷空寄仲宣樓。漫將福分爭青史，難得功名到白頭。世事本如棋局變，人生易誤稻粱謀。紛紛蠻觸緣何故，但博山僧一笑休。

散步至洋涇浜

桃花時節我重來，往事傷心盡劫灰。只有臨風萬楊柳，又開青眼護軍臺。

夜同子研季平散步

幽興忽相合，驀欣懷抱開。人烟團水陸，燈火閃樓臺。花影月扶起，詩情雲送來。得閒且尋樂，還約醉深盃。

卽事

詒安堂二集

卷三

四

世人半爲浮名累，終日揮毫我亦癡。反訝春來詩債逼，匆匆吟過杏花時。

寄季平弟縱溪

惟酒能養性，且以之合歡。不飲胡爲者，醉鄉天地寬。然而疏儀狄，神禹心先寒。衛武作抑戒，屢舞羞衣冠。劉伶荷鍤語，聊爾寄達觀。沉湎旣足慮，濡首良可歎。心能防禍水，何至興波瀾。釀王勢雖赫，願上封章彈。糟邱臺岌岌，幾輩能身安。幸勿誇大戶，令我眉先攢。

醉後柬蓮溪子研

酒國埋名好，何須愛獨醒。愁銷雙鬢綠，涼暈一燈青。影寫淋漓狀，心忘爾我形。今宵磨醉墨，詩筆也通靈。

和聽翁讀梅村詩韻

偏阻升天福名翻累羽毛難逃青史直空羨白衣高末路
心原苦悲歌氣不豪筆端皆涕淚何媿繼離騷

侍家大人同黃霽青觀察湯賡甫廣文張鹿仙曹吉

雲兩孝廉張春水徵君曹枏岑蘇子研兩茂才省

園雅集

杖履聲中笑語親彩雲晴吐絳紗新花光艷寫豐臺色詩

思濃分酒國春選勝自爲娛老計齊翁新成別業訂諸同人往游尋歡同

作太平人還將出處煩商酌莫負他年畫錦身時吉雲擬不賦計借

讀沈文恪公詩集題後

不獨詞華善兼邀特達知直言能致雨康熙十八年早詔求直言公應

詒安堂二集

卷三

五

詔上書越二日大雨盈尺餘事但爲詩人品超文苑書名播玉墀辨香

誰示奉早辦手民資詩板已燬公裔占翁重付梓人

城西看桃花

天桃如錦草如茵踏翠還來約故人殘劫尙餘前度客好

花猶是去年春未妨勝地仍攜酒可有仙源許問津紅粉

倘知心感慨也應含笑變酸辛

題鍾子英壬寅年詩後

海國多風雨難爲狎浪鷗感君游子恨嗟我故園秋墨沈

青衫淚燈煎白屋愁怪他名利藪牢鎖幾時休

題于秋泉南湖柳隱圖

碧雲深處儘移家曲曲疏籬抱屋斜指點金風亭子外笛

聲涼煞水蒨花

不妨鼓棹任遲遲
酬酢春光仗酒卮
醉臥柳陰無箇事
閒懷惟許白鷗知

移宮換羽易消魂
樂府源流細討論
譜出烟波招隱曲
別將風月自成邨

小長蘆恐是前身
修到漁家福已真
何日也容閒載酒伴
君同作畫中人

畚姚蘇卿丈

清華

見贈之作

不愁白髮損朱顏
位置軒窗水竹間
仰屋只除書可著
看雲便覺意俱閒
偶拈佳句能傳世
鍊得清心早閉關
莫恨猪肝安邑累
聲名端不負名山

又有鍊心
太清圖

詒安堂二集

卷三

六

偶作

檐漏聲聲忽然止
狂飈盡掃雲如紙
扶筇來看怒濤飛
浪花直挾蛟龍起
偏怪長年胆氣粗
挂帆轉向層波裏
任爾低昂了不驚
枕樓自有乘風技
君不見當年橫海漢
將軍鯨鯢手縛鯨
鯨宮底莫謂書生魂
易銷弩射三千心
亦喜攜得枚乘筆
一枝斜陽淡抹餘霞紫

漫興

襟懷敢向白鷗驕
忍恥求名辱自招
乳燕有情如惜別
海棠無語自含嬌
浮生易爲錢刀誤
積毀能將志氣銷
縱許緘愁難覓寄
鯉魚風裏水迢迢

寄楊肖英

結習難拋翰墨場平生風趣未容忘官私且任羣蛙鬧得
失還占一馬忙傳世文章原磊落依人滋味太淒涼幾時
搜寄詩千首待我親薰百和香

題姚春木丈通藝閣詩後

居然支派少陵分旗鼓誰堪敵此軍老筆倒撐三峽水勝
情高截九峯雲不妨花月供陶鑄自有心肝寫見聞媿我
雷門倉卒遇君苗翻悔硯遲焚

和子研卽景

蕭蕭庭竹兩三竿也有清風捲暮寒香草自應閒處種好
書宜在靜中看一樽酒熟詩成易四面花迷月到難爲惜
春愁無寄託青琴還對水仙彈

詒安堂二集

卷三

七

和鹿仙憶舊韻

年華楚楚態盈盈難忘花天舊日盟別有心香堪引夢乍
通眉語已含情癡期燕子傳芳信羞被鸚哥識小名最是
淒涼風雨夜嘈嘈猶似四絃聲

和東墅題省園原韻

自愛江城解時時載酒過屋低常礙帽徑仄不成坡小隱
慚元亮揮毫愧永和支頤弄風月詩句儘閒哦
檐際晴光展剛欣客到門小園雖近市老屋似居村松竹
珍遺蔭冰霜漬淚痕
園左爲曾大母節孝祠
相看兩不厭成還約醉

黃昏

原作

風塵未容忘官私且張修府

小築城闌畔探幽蠟屐過竹陰低壓沼花氣潤連坡
水暖魚苗聚林深鳥語和慚非摩詰友韜壑坐吟哦
此地吟窩託幽居好閉門君與令弟季平讀書於此揚雄草元室
杜老浣花村茶竈瓶笙韻書窗屋漏痕他年對牀約
賞折共晨昏

客中寄小瀛

時雨連番檻外催愁懷不共白雲開文章豈爲科名計學
問原從孝友來敢薄封侯無此骨久知濟世重長才憑誰
指引蓬山路忍令簫聲市上哀

吳淞舟次

林密疑無路潮來忽轉風溼雲頽四野殘雨滯孤蓬樹罨
詒安堂二集卷三 八
炊烟白花凝戰血紅一江流水急歸夢可能通

舟中寄季平弟

小別緣何事無端比浪遊山川勞客夢風雨厄扁舟酒薄
難成醉歌長不解愁池塘春草茂佳句待誰酬
鹿城舟次
昨夜瀟瀟雨湖波分外寬嵐光三面壓水氣一城寒詩夢
和鷗淡秋心帶雁酸似來圖畫裏不厭倚篷看

思序齋寓中題壁

牽得張融岸上舟旁觀憑訝客何求胸多塊壘空澆酒庭
有梧桐易感秋心靜那嫌居近市山佳還似約登樓熱場
不信眞忘熱畫舫人偏冒暑遊

聽程霽亭彈琵琶

大絃嘈雜小絃清字字能挑旅客情流盡潯陽江上水何時才謝別離聲

胥江旅次雨後小酌

神龍張鱗怒噴雨堂堂雷鼓何威武直挾銀河水倒流更誰鍊石將天補霎時庭院停滂沱彩虹一抹斜陽拖江樓寂寂客罕至賞心且酌金叵羅炎威盡被涼風逐我喜今宵睡應熟夢把青山撫頂誇此番不負頭新沐

陶芸窗丈招飲虎阜

多謝陶彭澤相邀醉百杯月光和笛起花氣撲船來水帶燈痕閃詩憑酒胆裁談心欣舊侶雅抱逐雲開

詒安堂二集

卷三

九

喜晤金碧山丈暨令子原卿茂才

意外忽相值招提一再過異鄉情更密往事感尤多殘劫逃烽火閒懷負薜蘿可憐雙髻影能耐幾消磨碧翁談及前年避兵

之事聲源俱下

和作

寂寂楓江廟

古李王廟為楓江七廟之一

欣君日夕過俗氛塵外

少佳句客中多

叔夔紀遊詩甚夥

感舊歌楊柳以春柳詩見示寄慨不少

投閒憇薜蘿

寓汪氏思序齋園亭

新詩齊脫稿墨訝兩頭磨

寓齋口占仍用前韻

小住三英市匆匆一霎過夢都如意少酒不敵愁多漫刈當門草如牽補屋蘿齋前益花甚盛秋風容易到鐵硯媿遲磨時接

趙子蔭李白英約赴秋聞之信無

却寄子研

連宵飛夢過江村
話舊何時共酒樽
結習難除華士累
傳名誰似布衣尊
倘開白社憑聯席
好約青山替守門
刼外勞生休問我
近來何處不消魂

遊劉氏寒碧山莊

屈曲花間徑高低
水上樓雲團干樹
影山逗一簾秋
荷氣

隨風散蕉心帶雨抽
不堪題壁處感慨續前遊

壬辰秋曾同俞子愚

丈過訪園主人

夜坐

黑甜鄉萬里愁
逼漏聲織梧葉響如雨
月光偷入簾影憐

詒安堂二集

卷三

十

蝸壁倚香懶鴨爐
添差幸吟懷健挑燈酌默拈

寄內

落拓青衫筆未投
難禁踪迹感登樓
陌頭楊柳休相問
不是封侯是浪遊

初秋

潦草吟懷只自憐
客心又觸早秋天
材非濟世難輕出
詩不驚人怕浪傳
四壁微蟲淒似雨
半窗涼月淡于烟
他鄉滋味渾無賴
差覺飄流勝昔年

東金原卿

看花情不厭倚瘦
一枝簫詩思含秋健
鄉愁仗酒消
買山空有約
作客本無聊
且任還家夢
相隨早晚潮

寄答春水丈

天憤窮名士傷秋復奈何風塵心枉厭歲月墨同磨偏靳
清閒福惟容感慨歌縱教知已遇時已恨蹉跎

七月二十七日小坐味菜窩燈下作

範水模山幾度過勞人豈止負烟蘿無求終覺人情厚有
夢方慚世味多心事畧憑詩漏洩年華已被酒蹉跎客來
休問文章價奈此荒蕪筆墨何

客館不寐

味菜窩燈下作

鼉鼓聲聲急虛堂閒似年峭寒來枕上奇句落燈前月影
酸相照蟲音澀可憐遙知京國士歸思滿江天

謂子良

同趙子蔭季平弟赴省試

詒安堂二集

卷三

十一

尋秋又上秣陵船敢信文章勝舊年成佛甘居靈運後着
鞭已讓祖生先

謂仲博山曹吉雲

木雞能到終須養元豹微窺恐
未全不獨高堂勞望眼蘭閨還費卜金錢

黃浦曉發和江馨山韻

又作槐黃客蒲帆趁曉風浪花團櫓白旭影裏檣紅靄
聽孤鶴高飛羨遠鴻早潮秋有力聲滿海門東

楓橋舟次同趙子蔭程蘭汀季平弟飲酒

新月如鈎櫓背明壺觴憑與訂詩盟客懷冷淡偏宜酒醉
語荒唐自有情北斗星高森夜色西風入靜碎秋聲不知
何處寒山寺聽取疎鐘繞夢清

同葛恪庭費石農沈秋卿江馨山蓉湖秋望

臨水無多屋圍環盡綠楊波連衫影碧帆閃夕陽黃遠樹
分嵐氣清風烈酒香九龍青似昔轉訝澗聲忙

吟侶萍踪合扁舟喜共過蘆中鷗夢穩雲外雁聲多山色
濃于染湖光皎似磨野人秋未覺猶唱采蓮歌

毘陵舟次柬子蔭并示季平

秋色蘭陵任飽看江風涼入客衣單尋常行路談何易到
此方知上水難

吳頭一水兩州分

推稅樓高倚夕曛計吏踞津常虎視書
生倒篋但鴻文度關漸覺鄉音改行路偏憎暑氣薰頗欲
請纓圖建樹棄繻何必讓終軍

詒安堂二集 卷三

潤州感賦

荒原日落暮烟生四野猶聞太息聲噓屨一時遭劫火

外連雲樓閣 皆盡于夷曠沐猴幾日變蕪城沉沙折戟何堪問
啣土營

巢尚未成我亦窺身兵燹隙驚弓重觸故鄉情

新開河口

濤聲直下疾如雷幅幅蒲帆趁晚開一髮金山浮水面夕
陽紅上塔尖來

飛出蟾輝似鏡明一江秋氣擁舟行涼波豁作琉璃色流

水無聲月有聲

東同寓諸君

媿煞鮎魚上竹竿六朝山色幾回看笛音吹冷雲千里秋

氣平分月一團烟水茫茫鷗夢濶江天渺渺雁聲酸應知
聚首非容易難得樽前續舊歡

秦淮水榭和伯英韻

麝蘭香襲岸邊舟十里烟波夾畫樓畢竟秦淮風味別垂
楊猶帶六朝秋

玉管金笙共一舟停橈訪遍十三樓簾櫳不放斜陽入讓
與清風送好秋

雨花臺

西來大意無人曉寶誌雲光談了了頑石曾聞解點頭一
天花雨猶飛繞天女紛紛散寶花君王自住梵王家捨身
救苦真多事梁武帝於重雲殿
爲百姓設救苦齋億萬金錢贖翠華設遍無

詒安堂二集

卷三

三

遮法喜食如來不解謀人國可憐殿上荷荷聲索密何曾
佛聽得

騎驢

騎驢來郭外居士學清涼笠影團秋色鈴聲闌夕陽詩馱
千里夢花簇一鞭香得得西風裏閒吟興自長

雞鳴寺

相傳齊武帝出獵至
此始聞雞鳴故名

願作雄飛媿雌伏一聲唱罷千聲續起舞曾爲夜半歌劍
光直暈燈痕綠君王數問夜未央月光疑是朝曦光景陽
樓上鐘敲未幾輩宮人催曉妝車駕儘貪田獵去萬戶夢
回天欲曙四野喧傳啞啞音官家早到射雕處但知王氣
厭能消諫書不受卽鄴超與居號令多顛倒更步齊風刺

早朝

詩小序雞鳴篇爲刺齊哀公荒淫而作也

後湖

卽元武湖元嘉中
以黑龍見故名

黃龍不出黑龍出蔣山王氣猶未畢一道長虹亘遠天山
靈曾見來傳蹕旗鼓紛紛起水中鶴鵝聲雜軍威慄萬頃
湖波蹙細鱗還隨蘆荻聲蕭瑟嘉名錫後昆明災健兒誰
是屠龍才天生豪傑原無種興亡轉瞬真堪哀青旂紫蓋
全消影如夢江山喚不回只有遙空濃翠裏一亭分占劫
餘灰

臺城

無邊芳草接叢叢猶說蕭梁有故宮好把河山參色相莫
將成敗笑英雄郎君著述名偏永佛子因緣夢早空留得

詒安堂二集

卷三

十四

江南三百寺夕陽依舊可憐紅

秦淮懼歌同李伯英甘勿之張東墅作

涼篷艇子小於瓜畫槳雙飛只載花誰料篙師猶艷福往
來總不脫繁華

世界眞疑住碧城歌喉宛轉每三更那須眞箇消魂者魂
已先消箇裏聲

孫楚樓

百尺樓前月如水子荆當日曾居此酒人一去二千年姓
氏猶然挂人齒枕流漱石亦何妨樓中春酒年年香青蓮
學士今何往明月窺人尙李唐

太白曾
飲於此

偕江孚尹遊枕江園

不礙江村僻園林屈曲通苔粘三徑碧樹隱一樓紅山影
窺牆外松聲走澗東詩懷幽絕處都寄夕陽中

十忠貞公墓

父爲忠臣子孝子清談之世竟有此大節能增典午光凜
然生氣何曾死白簡飛霜表直言中流砥柱誰堪似那待
青溪力戰時丹心早已輝青史

白門秋感同趙二川子蔭李少雲伯英季平弟作

剪盡疏燈語故鄉屠龍畢竟技誰長自來豪傑無酸氣從
古英雄有熱腸往事又成棋一局醇醪且醉酒千場頗能
學得嵇康懶怕與天孫鬥七襄

雷約軒持雲仙校書小影索題

詒安堂二集

卷二

五

彷彿鶯鴻賦裏人梅花端不愧前身誰知清絕羅浮品更

占秦淮一段春

板橋花品以雲仙爲梅花

才人豈諱說情癡吟到無題艷不支

約軒條峯皆有莫惹題詞語極艷麗

春懷勾太緊被他偷見畫眉時

果誰修到做鴛鴦領取南枝第一香我是孤山林處士惜

花心事未能忘

和伯英秦淮漫詠

笙歌沸盡可憐宵眉樣鸞彎月許招紅豆盈牀憑記曲青
衫濺淚說題橋幾忘桃葉年年換不信楊枝樹樹嬌敢蹈
司勳輕薄習詩魂漫爲海棠銷

青溪弔古

琵琶彈處總聲吞往蹟難尋粉黛痕波影碧攙桃葉渡淚
斑紅幻蓼花根空餘膩土埋香骨誰載芳樽妥艷魂風景
可憐都換盡好山青入破籬門

張麗華
葬此

闌中作

聽到春蠶食葉聲始知辛苦是書生文章未必全無據恩
怨原來亦易明

二三場多有警報者

早識升沉關福命聊憑心血博

功名堪憐燒盡三條燭畢竟丹誰九轉成

出水西門

葉葉歸帆向晚開西風捲入暮笳哀一城秋氣催人去千
里江聲抱郭來美酒醇還醺客夢瘦山蒼似鍊詩才今宵
倘許誇飛渡猶作滕王閣下猜

詒安堂二集

卷三

十六

黃天蕩懷韓蘄王

江流疾走聲如雷倉皇南渡君臣哀提兵奮勇扼江口當
時功合蘄王推旌旂樓櫓沿江列浪花直濺刀頭血殺盡
金人始快心指顧黃龍看殄滅雙揮玉腕鼓聲高更羨夫
人膽氣豪忠義一門同激烈鶴河其奈寇逋逃小朝廷已
天心定論功未許操全勝一擊不中將奈何扣馬書生開
捷徑太息中興大將才千秋遺恨付低徊風濤此日船頭
響猶似鼙鼓戰鼓催

金山

陡聞詩眼界勇陟妙高臺水勢鑽天去潮聲拍岸來僧談
兵後事佛亦劫餘灰轉憶韓王戰蒼茫感將才

京口晚眺次江馨山韻

雲氣風吹盡斜陽分外嬌江聲自今古山色豁金焦一抹
彎新月羣帆趁暮潮倚蓬扶淺醉鄉思接迢迢

舟次贈子蔭

草草槐黃一度過年華總被墨消磨名心嶽起胸中久世
事棋翻局上多敢謂塵途稀賞識幸逢滄海定風波雞蟲
得失今休論且自勤揮挽日戈

答伯英兼示季平

結得模山範水綠心胸豈望俗人憐讀書千卷復千卷涉
世一年深一年有福纔容親翰墨無情何可做神仙宵來
且試清談與剪燭蓬窗未忍眠

詒安堂二集

卷三

七

且方聽松石歌

石高三尺縱五尺橫二尺五寸篆文聽松
石三字相傳為唐李陽冰書背有行草書

府文

府文岩承李觀察榕園之命移置庭左築亭覆之

不見喬松但見石行草五行是誰畫剔蘚欣逢短李來靈
光頓顯陽冰額我謁碑時秋正中涼雲隱約一亭籠那須
第二泉嘗到清氣先攜滿袖風

艤舟亭

桂花香不斷直到艤舟亭石氣入秋碧藤枝蟠露青

古藤花館

有東坡先生
龔居舊址

銀雲無世態玉局有神靈高誼千秋在難忘

展齒經

山塘

水聲亦愛繁華地流入姑蘇便有情黃葉亂飛峯盡出碧

天如洗雨初晴酒攙花氣先應醉月讓燈光未肯明今夕
詩懷憑艷絕玉簫吹徹已三更
小對蘭葉自嫌影交雨
喜晤蔣亦山丈

意外相逢與不孤連宵風雨話姑蘇賞懷各證新詩本執
手仍慚舊酒徒敢說名心難許退自知豪氣未能無十年
多少滄桑感應惹先生笑壯夫

菊子橋舟夜

柔櫓輕拖水際烟茫茫夜色杳無邊波光似鏡難藏月山
氣如雲欲上天但覺今宵詩思湧渾忘異地客心牽吟聲
飛出疎篷底還恐人疑是謫仙

客夜

詒安堂二集

卷三

六

娟娟新月挂如鈎添得窗前竹更幽綠酒有情還引夢黃
花無語自成秋怕增鄉思偏聞笛欲煖詩懷且擁裘博得
旁人稱灑落更誰知我感登樓

答廖笠仙

箏語琴心喚奈何通宵還與唱迴波誰言世上閒人少我
覺天涯酒伴多
謂陸樹齋金醇甫鍾子良陸尾山諸君花態纖如描病骨筆
鋒銳不斬愁魔無端錦瑟增傷感
君新賦悼亡可怪名流太受

磨

同伯英夜話

才如昌谷例多愁儘伴銀燈住小樓桐葉自敲深夜雨竹
枝分助滿庭秋平心論世原存恕冷眼看人每代羞但得

詩工貧也好大言轉笑說封侯

寄李吟香丈姑蘇

漫將消息感華顛畫景分明滿眼前村酒薄扶詩骨健水
風涼入墨花妍登臺客老心猶熱謝病人歸髮未宣憶否
去年今日裏挑燈題徧薛濤箋

答東墅

煮字何來麗色絲幾曾閒過少年時雄心易被微名賺傲
骨難求上藥醫豈有猪肝牽俗累惜無鶯語喚情癡君苗
筆硯焚猶未休悵繁華景太遲

詒安堂二集

卷三

九

風氣人墨...

...

...

詒安堂二集卷四

葦杭集下

上海王慶勳叔彝氏著

子良自都中以下第詩見示次韻却寄

卅年我亦竟無成同此青衫感慨并
三徑未容招處士一
瓊已足困書生敢云抱璞無知已
漫謂吹竽可得名未必
江南遜江北歸昌總要待時鳴

曲高原貴奏陽春古調何心論
屈伸入世幾逢青眼客倚
閭須念白頭人文章奪命終疑
妄身世如棋莫認真休對
秋風還瑁瑤閒懷應憶故園蓴

贈錢梅溪丈

詠

湘靈名譽滿詞壇筆墨因緣老未
閑踪迹漸驚同輩少性
詒安堂二集

卷四

一

情久作古人看不妨鶴骨齊稱瘦
祇讓梅花共耐寒應許
柴門留十日少微星彩映江干

發黃浦作

倚櫂趁潮去欲雨未雨時
遠水接前浦四面雲低垂
忽然漏斜照塔影煙中移
星光破暝色着意東風吹
篷窻一以
眺明月還相窺

五沙道中

東風吹面不知寒
佳景還憑放眼觀
煙外青浮山一髮
雲間紅漏日三竿
花因無恨逢春健
詩爲求工下筆難
獨倚
柁樓吹鐵笛襟懷浩蕩水雲寬

詒安堂集卷四

王慶勳叔彝氏著

鳴榔聲不止野趣接芳塘遠水拖明練孤村擁夕陽天低雲愈峭風急樹如狂彷彿青帘外時時送酒香

魏塘舟次與皇甫二愚夜話

釣艇都歸去人家半入煙帆收城影裏船泊柳陰邊詩夢橫千里春光換一年疎篷鄰舫接絮語共綿綿

烟雨樓

烟雨都收盡晴光護浦樓客來惟載酒波定不驚鷗訪友

孤前約謂于秋泉

題詩悵舊遊春風何太急催送木蘭舟

時因風利

不及進城

語兒道中

炊烟青不斷直上石門塘濃孕山川色晴薰草木香三篙

詒安堂二集

卷四

二

添水驛一路接風檣聞道杭州近遙峯漸可望木香三

初到杭州

入年已覺二分春柳色蘇堤早換新明日商量何處去隔

宵先約舊遊人

謂孫曉峯夏蓮塘

由松木場至聖因寺歷游孤山斷橋平湖諸勝

扶筇入雲去仄徑穿彎環古寺掩林木似阻遊客攀紅墻

列如畫礪瀑鳴潺潺循聲到湖上頓覺開心顏一面倚城

郭三面圍青山路在波光裏身在嵐翠間勝境探未已幽

想超塵寰此時問我心更比閒鷗閒

晴光浴滿湖日影猶未午春氣欲薰天遙山益媚嫵柳眼

漸垂青輕烟散前浦沿堤千萬條絲絲煥風舞綠陰偶缺

處賴有亭臺補小憩且勾留領畧詩境古

月湖景固佳晴湖亦不惡一碧萬頃烟波紋經繞郭耳轟
輿馬喧靜愛游魚躍幾曲赤闌干時有船來泊酒香林外
飄臨流試斟酌極目渺予懷何處微波托

梅花落未盡似待我來看香氣颯然至春風尙覺寒逋仙
不可作老鶴飛前灘我欲留題墨方愁吟未安瞥見壁間

詩一唱餘三歎

壁間有雷約軒題句

天下山水佳信是杭州最山如浸水中水更抱山外衆峯
高挿雲一江東如帶圖畫自天然絕勝丹青繪風日况晴
佳春光太無賴倘非恣幽尋恐負此芳靄行當結鷗盟來

續題襟會

詒安堂二集

卷四

三

玉泉觀魚

活潑清泉長不涸大小游魚齊奮躍游客爭將香餌投鮮
鱗戢戢眞璀璨一片澄波似鏡明千年網罟無人作漫矜
變化登龍門未必方池輸大壑浩蕩天機任泳游相忘還
比江湖樂

飛來峯

衆山皆蒼莽茲峯獨挺秀天欲炫奇觀飛來自靈鷲懸崖
如驚禽巉石類猛獸青松頂上盤碧薜佛頭繡蓮花萬瓣
垂日影一線漏微風裊藤蘿眞液孕岩竇清泉倒奔出勢
欲與石門終日聲潺潺自協宮商奏猿啼久不聞嵐翠還
依舊巧勢自天成俗匠安能鏤試問白足禪三昧誰忝透

長嘯過溪來開雲鎖層岫

天竹道中

下山復上山乘興恣幽討一經踏雲來彌覺嵐光好古剎
嵌巖腰處處因地造曲澗萬峯圍怪樹兩岸抱片石駕危
橋流泉喧亂草花氣媚朝晴境僻春偏早回瞻經過處紫
烟蒸瑪瑙

淨慈寺

鐘疑雲外來路自林間入一簇南屏山宿雨猶含濕琳宮
倚嶂開孤堦撐空立隨喜過方丈石累百尺級俯瞰西子
湖萬景此中集波光滑似油亭影圓如笠欲尋溫公書肩
輿下坡急

詒安堂二集

卷四

四

登吳山望錢塘江

高閣依山起登臨萬象開天難束江住峯欲截雲來帆影
翩於烏潮聲怒似雷何當杭一葦直上越王臺
畧辨西興樹斜陽漏影明老魚弄風色歸雁入春聲山峭
削成劍雲雄排作城炊烟騰萬竈偏得此幽情

湖上晤雷約軒

酒癖詩魔擾不支漫天風雪一筇持

約軒時出示
除夕探梅圖

未妨跼

跡如萍梗同爲年華感髻絲此地儘容開眼界他鄉難得
遇心知西湖烟月休孤負豈但梅花繫我思

和約軒五柳居題壁韻

我爲尋春至君還冒雨遊江湖雙蠟屐身世兩閒鷗夕照

懸孤塔波光簇小樓紅闌干上倚詩思總清幽

同雷槐園酒樓小飲

雨中山更媚鼓興共登樓烟景脆如畫風光嚴似秋何人
來放鶴隨處可盟鷗相約重攜酒同爲十日留

訪和靖先生墓

沿堤來訪逋仙宅裏湖外湖夾浪碧信步但從香處行一
路梅花到門白突兀孤山土一抔偏有祠堂三畝闢午夜
風寒鶴不歸想應厭遊人跡何待詩魂舉酒招玉梅萬
朵皆精魄

葛嶺喜晤葉丈崑池

不見詩人面匆匆又一年閒身惟伴佛佳句可欺仙歲月

詒安堂二集

卷四

五

浮于夢襟懷鍊自天莫疑超曠甚曾飲稚川泉

湖樓卽景

一片湖光倚檻開青山都浸浪花堆春風計日隨人到詩
思連番仗雨催遍地花香如醉酒隔牆泉落訝奔雷柳陰
搖出瓜皮艇知有山僧訪我來

南屏訪青雨上人

達宣

爲踐詩人約扁舟冒雨尋雲侵禪榻潤花擁石壇深綠酒
餘狂態青山證道心長眉相靜對應許滌煩襟

湖堤散步

門外山山翠作堆春風已向柳梢回出林塔影高於屋過
澗泉聲響若雷白舫閒搖開士去青帘遙引酒人來塵心

到此渾消盡併覺新詩亦懶裁

贈青雨上人

閒飽伊蒲饌高談貝葉經
湖山吟髻白風雨佛燈青
環几花都靜蟠階石亦靈
宵深休說法還恐老龍聽

湖樓坐雨同奇園作

寒風挾雨來日夕不曾止
急點偶然停溼雲又爭起
不辨南北風茫茫但烟水
柔櫓一兩聲知在湖心裏
連日看山忙轉覺今朝美
無事儘閒散相偕傾綠螳
沉醉雨聲中談笑惟擁被
消受一枕閒睡鄉亦可喜
清遊眼底多詩句夢中紀
有客來敲門聲聲驚展齒
忽訝展晴光夕陽在山矣

寄李平弟

詒安堂二集

卷四

六

日日登臨逸興濃放船才罷又扶筇
佛香燒遍三天竺蠟屐吟過九里松
坐看沿堤攢小艇臥聽隔院吼疎鐘
新詩閒向燈前數遊到雲峯第幾重
垂垂柳色未藏煙偏有鶯聲囀樹巔
瀑布亂噴青嶂雨斜陽淡抹碧羅天
牆間新筍聞雷長檻外閒花媚日妍
畢竟西湖勝西子年年風月浩無邊

六和塔

松陰直鋪地山勢高參天
江光三面抱壞塔撐晴烟
緬彼紺螺色無復鈴聲圓
老僧向余話劫火燒前年
燭龍自空降圍繞來相煎
炎炎勢莫遏人力安能前
幸是泥封固未致傷其堅
吾聞牟尼教神力施無邊
何以城門災殃竟浮

屠聯可知興廢理佛亦難周旋坐看此塔燬徒惹低眉憐
談餘各點首謂我真知禪相送下山去來喚江心船

舟渡江

扁舟棹向中流去無數春山圍悄然劫火燒紅半枝塔東

風吹綠一江烟滔滔雪浪欲擠岸葉葉蒲帆如貼天不是

出門親闕歷豈知腳踏此間船

江中渡船
半皆脚踏

不景雲棲

盤盤石蹬沿江入萬个負管夾道立一路穿雲忘力疲看

山真覺目難給放生園中六畜多雞豕牛羊一棚集池上

流泉題洗心好滌煩襟修緘汲巖腰飄出旃檀香隱隱微

風鼻觀襲梵宇高低林外排處處逢僧逢客揖寺門輿馬

詒安堂二集

卷四

七

何喧闐師臘今朝三百十

是日爲蓮池大師
三百十歲生辰

遙想蓮池定

力眞智慧頓開除結習儒冠拋却着緇衣須彌山包粟一

粒匆匆飯畢竟歸途乾翠飛來欲打笠

靈隱寺

不是仙人宅居然佛國天松陰涼襲路竹影淡篩烟聽水

來亭上呼猿到洞邊忽然悟禪悅清磬一聲圓

韜光

穿過靈隱寺韜光闢奇境無數青琅玕排擠直到嶺壁蘿

扶瘦筇踏破綠雲影竹篔承仙泉一滴一聲靜羣峯似論

文到此益奇警僧房如旋螺一層換一景下視越州山幾

抹修眉整樹抄逗江光匹練界天冷危樓倚碧岑佳趣全

湖領幽探未能已，賴此春晝永。金蓮池上開香欲，將詩請鐘聲，何處來彌覺發深省。

石屋洞

峭壁忽凹入，居然成石屋。巉巖駕碧梯，天光納深谷。空翠滴不停，螺髻儼新沐。危巖皆下垂，諸佛撐空腹。坡老舊題名，剔蘚尙堪讀。黛色黑而凝，欲捫手還縮。夜深戶不扃，定有雲來宿。

于忠肅公墓

竟有回天手，公眞社稷臣。官家慙負德，史筆替含辛。倉猝成孤注，烝嘗肅萬春。也應聚頑鐵，遍鑄奪門人。

水樂洞

詒安堂二集

卷四

八

路折山始深，林邃勢益莽。滌迴水一泓，地廣不盈丈。淪淪絲竹聲，細審音何朗。高下協宮商，還藉風磨盪。激石忽不鏘，琴筑互相仿。節奏出天然，應鼓巨靈掌。大章與咸池，俗樂豈能做。憶昔賈平章，曾來聆妙響。奸回豈知音，徒辱山英貺。我來值初春，洗耳愜清賞。泠泠太古音，何處着塵想。

烟霞洞

天工弄神斧，鑿破混沌竅。雕作烟霞形，石腹逞奇妙。十八應眞衆，鬚眉都畢肖。莊嚴誰琢成，靈鷲分孤嶠。十二錢王增威神，益陟隋拾級。來窮幽洞口，窺晴曜天衣。五色披虹影，千條耀朧壁。入雲竇深窈，須爛照土氣。侵衣寒濃綠，迷奧凌清談。聲摩空，誤引猿欲嘯。雲容變化多，處處奇峯繞。

山靈應笑余偷得幾詩料

下翁家山至理安寺

一峯環一峯叢木翳翠阪曲徑如蛇盤行盡不知遠忽聞
雞犬聲孤村倚層巖高下數十家泉水共一堰穿過楊梅
嶺山形復蜿蜒春氣媚山花態益增繾綣幽禽不住啼石
罅濃雲偃松際寺牆紅遙逗斜陽晚急問贊公房脫粟謀
一飯

松嶺閣和壁間姚野橋韻

滿地松陰滴翠涼千尋峭壁截天長鐘聲圓抱山腰壯花
氣濃熏佛面光小鳥也知貪地靜老僧偏慣肅賓忙留題
誰爲紗籠句孤負詩人鬢已蒼

詒安堂二集

卷四

九

湖上雜詠

尋山輿馬日紛紛纔出城闌便水雲占得玉蓮亭一角烟
波憑與白鷗分

白堤行盡接蘇堤柳色青青放欲齊畢竟西湖春事早樹
頭已有曉鶯啼

鏡樣湖光十里澄憑教船價入春增片帆高挂壺天月只

載雲堂粥飯僧

湖中艇子皆用高櫓惟
雲林寺齋飯船獨帆檣

多謝春風爛漫晴尋山問水暢幽情喚船日日茅家埠羸
得篙師識姓名

隱隱遙山隔翠烟閒行最好雨餘天斜陽已上黃妃塔尙
有遊人放畫船

九溪十八澗

言尋九溪十八澗山僧導我來琳宮層巒疊嶂互環抱幾
疑無路能相通陰崖猶浸古時綠岩花新借春光紅千仞
峻壁拔地起鈎連草木遮叢叢谷底蟠蛇散毒霧洞邊嘯
虎吹腥風高低岩竇瀉靈乳縱橫溪澗分西東奔波屈曲
赴滄海流聲日夜無終窮翠微深處不可止無邊嵐氣霏
晴空忽聞人語自天下峯腰缺曲來樵童幾泓寒碧掠衣
過此身如鳥初離籠林間隱約木魚響驚看脚底炊烟烘
遙指翁家山下屋人家都束浮雲中

龍井

青山迎面來步步得佳趣仄徑誤人行又入雲霞路洞壑

詒安堂二集

卷四

十

相鈎連流泉伏深樹遙見白雲中一興如鳥度高岡過未
半清磬出花霧循聲至上方寒烟溼芒履可惜好邱壑山
靈不掩護林九宇半榛蕪布地金誰募破屋三四椽僅留老
僧住剩有頑石頑蹲踞仍如故

岳鄂王墓

未抵黃龍飲空留萬古忠宰臣無賴賊天子可憐蟲氣鬱
風雲慘心標筆墨雄江山撐半壁還仗十年功

王有遺集
雄邁絕倫

錢塘懷古

慙慙興亡跡未遙鳳凰依舊擁岩堯開疆幸雪吳兒恥破
敵還憑越女嬌分得靈踪天竺國未消餘恨浙江潮大觀
亭榭無從問剩有西湖慰寂寥

勁弓射落水犀驚尚有濤聲夜入城符命何曾期後嗣君
王敢信幻他生非關遺業輕拋棄要使羣黎息戰爭閒向
表忠碑畔立順天心事有公評王文成公題錢武肅
王廟有順天者存額
十三陵樹那堪尋想到中興感不禁和議釀成南渡局偏
安灰盡北征心湖山錦繡朝廷小官殿淒涼雉兔深遙指
岳王墳畔路南枝千古鬱森森

閩馬丁當禍早催襄樊烽火燭天來蝸牛自樂封圻界蟋
蟀偏煩宰相才江水無情甘縱敵黍離滿眼且銜杯汴京
失後臨安失一樣河山付草萊

大佛寺

紅牆裏岩腹碧樹絡湖根石幕雲光潤泉爭谷口喧客還
詒安堂二集

卷四

十一

隨月到詩且與僧論清絕招提境春風醒柳魂

贈李小瀛離尹

軟紅聊現宰官身偏向西湖結淨因判斷風花憑醉筆料
量山水仗才人吏配佳句先非俗交爲多情勝飲醇小住
自嫌行色遽題牋還更媿陽春

湖上散步

果然宜雨復宜晴山水流連劇有情竹徑遙通雲外寺柳
陰濃抱岸邊城春含嵐氣三分醉詩較波光一樣清不礙
風流叢裏過畫船多半玉簫聲

湖樓卽事柬李少雲

西湖景色太寥寥還恐丹青未易描野水平扶鷗夢穩春

風狂蹙馬蹄，驕瓜皮只載兩三客。柳線剛抽千萬條，此福何人能獨享。清綠應付謫仙消。

晚眺

細雨初停夜寂寥，客窗無賴一燈挑。烟糊樹影連山失，風約鐘聲過岸消。明月谿如呈佛面，斷雲頽欲偃山腰。遊湖最好新晴後，還擬來朝訪六橋。

留別西湖

閒緣也自結西湖，一月居然住畫圖。祇愧囊中詩筆瘦，山靈難許比髯蘇。

清樽相對酒家樓，且爲諸公更少留。最是多情萬楊柳，一齊青眼送行舟。

詒安堂二集 卷四

三

松木堤

仄徑雙堤接清流，萬壑通人家。雲影外，僧市水聲中山盡。含情碧花驚刺眼，紅歸程蓬底記安穩。託帆風。

舟中同陸奇圍話小青事

婉絕西湖一角春，蓮花原與佛爲鄰。世間幸有埋香地，天上應無妬婦津。仍許談詩同小妹，小青女弟紫雲有妙山樓詩亦葬孤山將好夢補前身。小鷗波館湘玉夫多情不是陳驚座，更倩

誰憐薄命人。

小青墳近爲陳雲伯明府新修

